

丁 7903/1383(28)

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY

MAR 24 1958

英世二廿八

景岳全書

五十七之八

古方

熱寒



Faint, illegible text visible through the paper from the reverse side, arranged in vertical columns within a grid.

黃蓮

寒陣

景岳全書卷之五十七字集

古方八陣

會稽 張介賓

會卿著

會稽 魯超 謙菴訂

寒陣

黃蓮解毒湯一

亦名解毒湯○治火熱狂躁煩心口乾舌燥

熱之甚者及吐下後熱不解脈洪喘急等證

黃蓮

黃芩

黃柏

梔子

各等分

右每服五錢水二鐘煎服



仲景白虎湯 二 治傷寒脈浮滑此表有熱裏有邪宜用此以解

內外之熱及一切中暑煩熱熱結斑黃狂躁大渴等證

石膏 一斤 知母 六兩 甘草 二兩 糯米 六合

右四味以水一斗煮米熟去滓溫服一升日三服○本方加

蒼朮即名蒼朮白虎湯

仲景白虎加人參湯 三 此即人參白虎湯○亦名化斑湯○仲

景法即於前白虎湯內加人參三兩用治服桂枝湯大汗出

後大煩渴不解脈洪大者○今近代止用人參二錢石膏五

錢知母二錢甘草一錢粳米一撮以治赤斑口燥煩躁暑熱

脈虛等證○又河間名為人參石膏湯用治騙消煩熱但分

兩加倍於今方

活人白虎加桂枝湯 四 治瘧但熱不寒及有汗者

知母 桂枝 甘草 炙 粳米 各一

石膏 一錢

右咀水一鐘半煎八分溫服

仲景竹葉石膏湯 五 治陽明汗多而渴鼻衄喜水水入即吐及

暑熱煩躁等證

石膏 一兩 竹葉 二十 半夏 甘草 各二

麥冬、
人參各三錢
粳米一撮
此係今方分兩
非仲景舊法

水二鐘薑三片煎服○一方云石膏二錢人參一錢其他以
遞減之用者當酌宜也

六味竹葉石膏湯六 治胃火盛而作渴

石膏煨倍用之 淡竹葉 桔梗 薄荷葉

木通 甘草各一錢

水煎服

竹葉黃芪湯七 治胃虛火盛作渴

淡竹葉二錢 人參 黃芪 生地黃

當歸 川芎 麥冬 芍藥

甘草 石膏煨 黃芩炒各一錢

水煎服○按此方之用當去川芎為善○外科仍有半夏

宣明桂苓甘露飲八 治陽暑發熱煩躁水道不利等證

滑石飛四兩 石膏 寒水石 白朮各二兩

茯苓 澤瀉各一兩 肉桂 猪苓各五錢

右為末每服三錢溫湯調下

和子桂苓甘露飲九 治證同前脉虛而渴者當用此

滑石一兩 人參 白朮 茯苓

甘草

石膏

寒水石

乾葛

澤瀉 各一兩

官桂

木香

藿香 各一錢

右為末每服三錢白湯調下

千金甘露飲

治男婦小兒胃中客熱口舌生瘡咽喉腫痛牙齦腫爛時出膿血及脾胃受濕瘀熱在內或醉飽多勞濕熱

相傳致生膽病身面皆黃或身熱而腫大小便不調

枇杷葉 拭去毛

生地黄

熟地黄

天門冬

麥門冬

黃芩

石斛

茵陳

枳殼 各一錢

炙甘草 五分

右作一服水二鐘煎七分食後服○本事方無麥冬茵陳有

山豆根犀角屑治口齒證大有神效

三黃石膏湯 十二

治疫癘大熱而躁

石膏 生三錢

黃芩

黃柏

黃蓮 各二錢

豆豉 合

麻黃 八分

梔子 五枚打碎

水二盞煎一盞逆進三四盞則愈

羌活升麻湯 十二

治暑月時行瘟疫熱病宜清熱解毒兼治內

外者

羌活

升麻

葛根

人參

白芍藥

黃芩

各一錢

黃連

石膏

甘草

生地黄

知母

各七分

水二鐘薑三片棗一枚煎八分溫服

東垣普濟消毒飲 十二

治疫癘憎寒壯熱頭面腫盛目不能開

上喘咽喉不利口乾舌燥俗云大頭瘟病諸藥不效元泰和

二年東垣製以濟人所活甚衆時人皆曰天方

黃芩 酒炒

黃連 酒炒

各五錢

人參 三錢

橘紅

玄參

生甘草

桔梗

柴胡

各二錢

薄荷葉

連翹

鼠粘子

板藍根

馬屁勃

各一錢

白殭蚕

炒

升麻

各七分

右爲細末半用湯調時時服之半用蜜丸嚙化服盡良愈○

或加防風

川芎

當歸

薄荷

細辛

水二鐘煎一鐘

食遠稍熱服○如大便硬加酒蒸大黃一二錢以利之○或

熱腫甚者以砭鍼刺出其血

普濟消毒飲 十四

治天行時疫大頭病發熱惡寒頸項腫脉

洪痰痺等證

柴胡

桔梗

羌活

防風

黃芩

黃蓮

連翹

枳殼

荆芥

白芷

川芎

射干

甘草

水一鐘半薑三片煎服○有痰者加竹瀝薑汁調服○如秘結熱甚者先加大黃煎服利二三行後依本方加人參當歸調理

河間六神通解散 十五

治發熱頭痛脉洪身熱無汗○槌法有

川芎羌活細辛三味

麻黃

甘草

黃芩

蒼朮

石膏

滑石

豆豉

各一錢

各錢

各二錢

十粒

水一鐘加葱薑同煎一鐘溫服

仲景小陷胸湯 十六

治小結胸正

在心下按之則痛脉浮滑者

半夏 二錢

黃連 錢半

栝蘘仁

二錢此非古數

右先以水二鐘煎栝蘘至一鐘半乃入二藥同煎至八分溫

服○原方用黃連一兩半夏半斤栝蘘實一枚水六升如法

煮二升分三服

鷄子清飲 十七

治熱病五六日壯熱之甚大便秘結狂言欲

走者

鷄子 二枚

芒硝

寒水石

細研各二三錢

右先用新汲水一盞調藥末次下雞子清攪勻分二服○按此法似不若以雪梨漿調二藥服之更妙

仲景黃連阿膠湯 十八

治少陰傷寒二三日以上心中煩不得

臥

黃連 四兩

黃芩 一兩

芍藥 二兩

阿膠 三兩

雞子黃 二枚

右以水五升先煮前三味取二升去滓內膠烺盡小冷內雞

子黃攪令相得溫服七合日三服

梔子仁湯 十九

治發熱潮熱狂躁面赤咽痛

梔子

赤芍

大青

知母

各一錢

升麻

柴胡

黃芩

石膏

杏仁

甘草 各二錢

豆豉 百粒

水煎溫服○一方無豆豉○又六味梔子仁湯在外科八

仲景梔子豆豉湯 二十

治傷寒煩熱懊憹可為吐劑

梔子

十四枚擘

香豉

四合

右用水四升先煮梔子得二升半內豉再煮取一升半去滓分二服溫進一服得吐者止後服

仲景梔子厚樸湯 二十一

治傷寒下後餘邪未清心煩腹滿起

臥不安者

梔子 十四枚擘

厚樸 四兩薑炙

枳實 四兩炒

已上三味用水三升半煮取一升半去滓分二服溫進一服得吐止後服

仲景 梔子乾薑湯 二二

治傷寒以圓藥大下之身熱不去微煩

者若病人舊有微瘡者不可用

梔子 十四枚擘

乾薑 三兩

右二味以水三升半煮取一升半去滓分二服溫進一服得吐者止後服

仲景 梔子蘗皮湯 二三

治傷寒身黃發熱者

梔子 十五枚

甘草 一兩

黃蘗 二兩

右三味以水四升煮取一升半去滓分溫再服

解瘟疫熱毒 二四

瘟疫八九日後已經汗下不退口渴咽乾欲飲水者以蜚蠊糞各六一泥不拘多少糲新汲水飲之或用晚蚕沙亦可○其熱甚者用新青布以冷水浸過畧擠乾置患人胸上以手按之良久布熱即易之須臾當汗出如水或作戰汗而解夏月極熱用此法他時不可用

漏蘆丹麻湯 二五

方在外科九七

治時毒頭面紅腫

黃連香需飲 二六

方在和陣一七二

治傷暑中熱

局瀉心湯 二七

治心火

用川黃連去鬚為極細末每服一字或五分或一錢或湯或散臨臥服

仲景甘草瀉心湯 二八

亦名半夏瀉心湯○嘔而腸鳴心下痞

者此方正之○此方辛入脾而散氣半夏乾薑之辛以散結

氣苦入心而泄熱黃連黃芩之苦以泄痞熱脾欲緩急食甘以緩之人參甘草大棗之甘以緩之也

半夏 半斤

黃連 一兩

乾薑

黃芩

甘草 炙

人參 各三兩

大棗 十二枚擘

右七味以水一斗煮取六升去滓再煮取三升溫服一升日三服

仲景生薑瀉心湯 二九

治傷寒汗解之後胃中不和心下痞鞭

乾噫食臭脇下有水氣腹中雷鳴下利者

生薑 四兩

甘草 炙

人參

黃芩 各三兩

乾薑 一兩
黃連 一兩
半夏 半斤
大棗 十二枚

右八味以水一斗煮取六升去滓再煎取三升溫服一升日

三服○此方無生薑即各半夏瀉心湯

仲景大黃黃連瀉心湯 二十
治太陽傷寒汗下後色微黃心下

痞按之濡其脉關上浮者

大黃 二兩
黃連 一兩

右二味以微沸湯二升漬之須臾絞去滓分溫再服

仲景附子瀉心湯 三一
治傷寒汗下後心下痞而復惡寒汗出

者

大黃 一兩
黃連 一兩
黃芩 各二兩
附子 一枚炮去皮

取汁

右前三味以麻沸湯二升漬之須臾絞去滓內附子汁分溫

再服

清心蓮子飲 二二
治熱在氣分口乾作渴小便淋濁或口舌

生瘡咽疼煩躁

黃芩
麥冬
地骨皮
車前子 炒

甘草 各錢半
人參
黃芪
石蓮子

柴胡
茯苓 各一錢

右每服五錢水煎服

良方加味通心飲 三三

治諸疝內熱脹痛及小便不利

木通

梔子仁

黃芩

藿麥

連翹

枳殼

川練子

甘草 等分

右咀每服五錢水一鐘半燈心二十根車前草五莖煎七分

溫服

清心湯 三四

治心受熱邪狂言叫罵動履失常

黃蓮

黃芩

梔子

連翹

薄荷

甘草

芒硝

大黃 等分

水一鐘半竹葉二十片煎八分溫服

外科清心湯 三五

方在外科八四

治瘡瘍腫痛發熱

局方人參清肺湯 三六

治肺胃虛熱欬嗽喘急坐臥不安年久

勞嗽唾痰

人參

杏仁

去皮尖炒

阿膠

各一錢

粟殼

蜜炒一錢半

炙甘草

桑白皮

知母

地骨皮

烏梅肉 各五分

水一鐘棗一枚煎八分食遠服

人參平肺散 三七

治心火尅肺金，傳為欬喘嘔痰涎壅盛。

胸膈痞滿，咽喉不利。

人參

天冬

黃芩

地骨皮

陳皮

青皮

茯苓

知母

五味 二十粒

甘草 炙五分

桑白皮 炒一錢半

水二鐘，薑三片，煎八分，食遠服。

黃芩清肺飲 三八

治肺熱小便不利，宜用此清之。

梔子 二錢

黃芩 一錢

水煎服，如不利，加鹽豉二十粒。

清肺湯 二九

方在痘疹一四五

治麻疹欬嗽甚者

東垣清肺飲子 四十

方在和陣三五二

治邪熱在氣分，渴而小便不利。

萬氏清肺飲 四一

方在痘疹八七

治痘疹肺熱喘嗽

瀉白散 四二

治肺火大腸火喘急等證

甘草 一錢

桑白皮

地骨皮 各二錢

右為末，水調服。

五味瀉白散 四三

方在因陣二六

治眼目風熱翳膜外障

正傳 麥門冬湯 四四

治病後火熱乘肺欬嗽有血胸脇脹滿上

氣喘急五心煩熱而渴

天冬

麥冬

桑白皮

各七分

紫苑茸

貝母 各六分

桔梗

甘草

各五分

淡竹葉

生地 各一分

五味 九粒

水一鐘半棗一枚煎服

類方 麥門冬湯 四五

治肺熱氣衰血焦髮落好怒唇口赤甚

麥門冬

遠志

甘草煮去心

人參

黃芩

生地黃

茯神

石膏

煨各一兩

甘草

炙半兩

右咬咀每服一兩水煎服

萬氏 麥門冬湯 四六

方在痘疹一四二

治表邪麻疼火熱嗽甚

家抄 麥門冬飲 四七

治虛勞欬嗽午後嗽多者是也

川芎

當歸

生地黃

白芍藥

麥門冬

黃栢

知母

各一錢

桑白皮

八分

五味子

十五粒

姜

水二鐘。一片棗一枚煎八分食後服

麥門冬飲子 四八 治膈消胸滿心煩氣多血少津液不足

為消渴

麥門冬

生地黃

人參

五味子

甘草 炙

茯神

天花粉

知母

乾葛 等分

右咀每服一兩竹葉十四片水煎服

二母散 四九

治肺熱欬嗽及疹後嗽甚者

貝母 去心童便洗

知母 等分

乾生薑 一片

右水煎服○或為末每服五分或一錢沸湯下

陳氏二母散 五十

方在婦人八六

治產後熱血上攻欬嗽喘促

家抄黃芩知母湯 五一

治夏月火嗽有痰面赤煩熱

黃芩

知母

桑白皮

杏仁

山梔

天花粉

貝母

桔梗

甘草 等分

水二鐘煎八分食遠服

林醫桑白皮湯 五二

治肺氣有餘火炎痰盛作喘

全書卷五

寒陣

百

岐

桑白皮 半夏 蘇子 杏仁

貝母 山梔 黃芩 黃連 各八分

水二鐘薑三片煎八分温服

海藏紫苑散 五三 治嗽中有血虛勞久嗽肺痿

紫苑 阿膠 知母 貝母 各錢半

人參 甘草 茯苓 桔梗 各一錢

五味子 十二粒

水二鐘煎八分食後服

東垣清胃散 五四 治醇酒厚味或補胃熱藥太過以致心口痛不

可忍牽引頭腦滿面發熱或齒齲潰爛喜冷惡熱此陽明之火也宜用此方

生地 錢半 升麻 當歸 丹皮 各一錢

黃蓮 錢半夏月倍之

水煎服

加味清胃散 五五

即前方加犀角 連翹 甘草

秘驗清胃飲 五六 治一切風熱濕痰牙痛床腫血出動搖

石膏 梔子 黃蓮 黃芩

當歸 生地 白芍 蒼木各一錢

青皮八分 細辛 藿香 荆芥穗各六分

升麻五分 丹皮 甘草各四分

水二鐘煎八分食後緩緩含飲之效

錢氏瀉黃散五七 治脾火

山梔一兩 石膏五錢 藿香七錢 防風四錢

甘草三錢

右咬咀蜜酒拌各炒香為細末每服一錢水一鐘煎清汁飲

和中湯五八 治虛火嘈雜

人參 白朮 茯苓 陳皮

半夏各一錢 甘草五分 黃蓮薑炒錢半 大棗二枚

水一鐘半加粳米一撮煎八分溫服

薛氏柴胡清肝散五九 治肝膽三焦風熱瘡瘍或怒火憎寒發

熱或瘡毒結於兩耳兩脇前後或胸乳小腹下及股足等證

柴胡 黃芩炒各錢半 山梔炒 川芎

人參各一錢 甘草五分 連翹 桔梗各八分

水一鐘半煎服

梔子清肝散六十 治肝膽三焦風熱耳內作痒或生瘡出水

或脇肋胸乳作痛寒熱往來

梔子

柴胡

丹皮

各一錢

當歸

川芎

芍藥

牛旁子

炒

茯苓

各七分

白朮

甘草

各五分

右水煎服 一方無白朮

原機

芍藥清肝散

六一

治多眊昏緊瀉羞明赤脈貫睛臟腑

秘結

白朮

川芎

防風

羌活

桔梗

滑石

石膏

芒硝

各三分

黃芩

薄荷

荆芥

前胡

炙甘草

芍藥

各二分半

柴胡

山梔

知母

各二分

大黃

四分

水煎食遠熱服

良方

龍膽瀉肝湯

六二

亦名龍膽湯

治肝經濕熱小便赤澀

或脇脹口苦寒熱凡肝經有餘之證宜服之

龍膽草

酒拌炒

人參

天冬

麥冬

生甘草

黃蓮

炒

山梔

知母

各五分

黃芩

七分

柴胡

一錢

五味

三分

水一鐘半煎服

七味龍膽瀉肝湯 六三

治肝火內炎如前諸證

柴胡稍

澤瀉

車前子

木通

龍膽草

歸稍

生地 各等分

右咬咀水二鐘煎一鐘空心稍熱服

薛氏加味龍膽瀉肝湯 六四

治肝經濕熱或囊癰下疳便毒

小便澀滯或陰囊作痛小便短少

龍膽草

酒炒 車前子 炒

當歸尾

木通

澤瀉

大人 倍用

甘草

黃芩

生地

山梔

大人 倍用

右水煎○若治小兒子母同服

當歸六黃湯 六五

治盜汗之聖藥

當歸

黃芪

蜜炙各二錢

生地黃

熟地黃

黃蓮

黃芩

黃栢

各一錢

水二鐘煎服

正氣湯 六六

治陰分有火盜汗

黃栢

炒

知母

炒各二錢

炙甘草

六分

水一鐘半煎八分食遠熱服

仲景芍藥甘草湯 六七 治傷寒脈浮自汗出小便數心煩微惡

寒脚戀急足温者

白芍藥 甘草 炙各四兩

右二味以水三升煮取一升半去滓分温再服

生地黄煎 六八 治陰火盜汗

生地 當歸 黃芪 炙 甘草 炙

麻黃根 浮小麥 黃蓮 黃芩

黃蘗 各錢

水一鐘半煎八分食遠服

寶鑑石膏散 六九 治陽明風熱頭痛

石膏 川芎 白芷 等分

右為細末每服四錢熱茶清調下

本荆芥散 七十 治頭風

荆芥 石膏 煨等分

右為細末每服二錢薑三片連鬚葱白三寸水一鐘煎七分

食遠服

雙玉散 七一 治熱痰欬嗽喘急煩渴頭痛

石膏 寒水石 等分

寒陣

右為極細末每服三錢人參湯或隨證用引調下

玄珠秘方茶調散 七二 治風熱上攻頭目昏痛及頭風執痛不

可忍

小川芎 一兩

細芽茶

薄荷 各三錢

白芷 五錢

荆芥穗 四錢

片苓 二兩酒拌炒三次不可令焦

頭巔及腦痛加細辛藁本蔓荊子 各三錢

右為細末每服二三錢用茶清調下

天花散 七三

治消渴

天花粉

生地黄

麥門冬

乾葛 各二錢

五味子

甘草

各一錢

右作二服水一鐘半粳米百粒煎八分食遠服

錢氏地骨皮散 七四

治壯熱作渴

地骨皮

茯苓

甘草

柴胡

人參

知母

半夏 等分

右咬咀每服一兩水煎服

玉泉丸 七五

治煩熱口渴

人參

麥門冬

黃芪 蜜炙

茯苓

烏梅肉 焙

甘草 各一兩

天花粉

乾葛 各兩半

右為末，蜜丸，彈子大，每服一丸，溫湯嚼下。

宣明清膈導痰湯 七六

治胃火厚味，膈上熱痰，咯吐不出，欬唾稠粘。

稠粘

黃芩

貝母 各一錢

天花粉

瓜蒌仁

白茯苓

白朮 各八分

桔梗

甘草

陳皮 各五分

石膏

樸硝 各錢半

水一鐘半，加竹葉二十片，揉爛同煎八分，食遠服。

生鐵落飲 七七

治痰火熱狂，墜痰鎮心。

生鐵 四十斤

入火燒赤，沸，沾上錘之，有花出如蘭如蛾，紛紛

落地者，是名鐵落，用水二斗，煮取一斗，用以前藥。

石膏 三兩

龍齒 研

茯苓

防風 去蘆各一兩半

玄參

秦艽 各一兩

右咬咀，入鐵汁中，煮取五升，去粗，入竹瀝一升，和勻，溫服。

合無時，每日約須五服。

大連翹飲 七八

治風熱，執毒，大小便不利，及小兒痘後餘毒。

肢體患瘡，或丹瘤等毒，遊走不止。

連翹

山梔 炒

黃芩

滑石

柴胡

荆芥

防風

甘草

當歸

赤芍

木通

瞿麥

蟬退 各等分

右量大小水煎服

局方犀角地黄湯 七九

治勞心動火熱入血室吐血衄血發狂

發黃及小兒瘡痘血熱等證○景岳云此方治傷寒血燥血熱以致溫毒不解用此取汗最捷人所不知蓋以犀角之性氣銳能散仲景云如無犀角以升麻代之此二味可以通用其義蓋可知矣

生地 四錢

芍藥

丹皮

犀角鎊 各錢半

如欲取汗退熱必用尖生磨攪入之方妙

右咬咀水一鐘半煎八分加犀角汁服○或入桃仁去皮尖七粒同煎以治血證

犀角地黄湯 八十

即前方加黃蓮黃芩各一錢

拔萃 犀角地黄湯 八一 治一切血熱失血三焦熱血便秘等證

犀角 磨汁

生地 二錢

黃蓮

黃芩 各一錢

大黃 三錢

水二鐘煎一鐘入犀角汁和勻溫服

外科 犀角地黄湯 八二

方在外科四六

治胃火血熱妄行

良方 生地黃散 八三

治血熱小便出血

生地黃 二錢

黃芩 炒五錢

阿膠 炒

栢葉 炒各一錢

右水煎服

生地黃飲子 八四

治諸見血吐血衄血下血溺血皆屬熱證

生地 熟地

枸杞

黃芪

芍藥 天冬

甘草

地骨皮

黃芩 各等分

遠

右咀每服七錢水二鐘煎八分食遠服如脉微身涼惡風者

加桂五分吐血者多如此

茜根散 八五

治衄血不止心神煩悶

茜根

黃芩

阿膠 炒珠

側栢葉

生地黃 各二錢 炙一錢

甘草 錢

水一盞半薑三片煎七分食遠服

人參五味子湯 八六

方在外科一五三

治虛損肺痿等證

二神散 八七

治男婦吐血或血崩下血

陳槐花二兩 百草霜五錢

右為細末每服三錢茅根煎湯調下○治下血宜空心服之

○舌上忽然腫破出血宜此摻之

良方 四生丸八八 治吐血衄血陽乘於陰血熱妄行宜服此藥

生荷葉 生艾葉 生側柏葉 生地黄等分

右搗爛如鷄子大丸每服一九水二盞煎一盞濾去粗服○

陳日華云先公嘗遊靈石寺見一僧嘔血明年到寺問嘔血

者何如王僧云得服四生丸遂愈自得此方屢用有效愚意

前證乃內熱暴患者宜用之若人病本元不足須補脾以資

炎

化源否則虛火上灸金反受尅獲生鮮矣

濟生 蟹甲地黃湯八九 治虛勞煩熱怔忡羸瘦

蟹甲醋炙 熟地 人參 白朮

當歸 麥門冬 茯苓 石斛

柴胡 秦艽各一錢 肉桂 甘草各六分

水二鐘薑五片烏梅一個煎七分不拘時服

局方 黃芪蟹甲煎九十 治虛勞客熱肌肉消瘦煩熱心悸盜汗

少食多渴欬嗽有血

黃芪蜜炙 蟹甲醋浸炙 人參 知母

桑白皮 紫苑 桔梗 甘草灸各五分

地骨皮 秦艽 柴胡 生地

芍藥各七分 天門冬 白茯苓各八分 肉桂四分

水一鐘半煎八分食後溫服

地黃膏九一 滋陰降火養血清肝退熱

鮮地黃以上斤為別搗汁和衆藥汁同煎 當歸身一斤 芍藥半斤

枸杞半斤 天門冬 麥門冬各六兩 川芎

丹皮各二兩 連肉四兩 知母 地骨皮各三兩

人參 甘草各一兩

右將衆藥用水二斗煎一斗去滓淨和生地黃汁同熬成膏

服之

局方 秦艽扶羸湯九二 治肺痿骨蒸勞嗽或寒熱往來聲啞自

汗體虛怠惰

人參 秦艽 當歸 鱉甲醋炙

紫苑茸 地骨皮 柴胡 甘草各五分

水一鐘半薑五片大棗烏梅各一枚煎七分食遠服

退熱湯九三 治急勞煩熱口乾憎寒飲食不得

柴胡 龍膽草 青蒿 知母炒

麥冬

甘草 各一錢

右用童便一鐘半葱白三寸薤白三莖桃柳枝各五寸同浸一宿平旦煎一鐘空心頓服至夜再服

良方團魚丸 九四

治骨蒸勞嗽累效

貝母

前胡

知母

杏仁 各一兩

柴胡 半兩

團魚 二個

右藥與魚同煮熟取肉連汁食之將藥焙乾為末再以團魚骨甲煮汁一盞和藥丸桐子大每服二三十九煎黃芪六一湯空心送下病既安仍服黃芪六一湯調理

良方地榆散 九五

治腸風熱證下血

地榆

黃芩

黃蓮

梔子

茜根

茯苓 等分

右咬咀每服五錢入茱白五寸同煎食遠溫服

良方四味地榆散 九六

一名潑火散○治中暑昏迷不省人事

並治血痢

地榆

赤芍藥

黃蓮 去鬚

青皮 等分

右為末每服三錢漿水調服或新汲水亦可○若治血痢以水煎服

本專 槐花散 九七

治腸風藏毒下血

槐花 炒

側柏葉 杵

荆芥穗

枳殼 麩炒

右各等分爲末每服二錢空心米飲調下或用煎湯亦各槐花湯

外科 槐花散 九八

方在外科一六九

治腸風藏毒下血

東垣 加減四物湯 九九

治腸風下血

當歸

川芎

生地

側柏葉 各八分

枳殼 麩炒

荆芥穗

槐花 炒

甘草 各四分

地榆

條芩

防風 各六分

烏梅 肥者三枚

水二鐘薑三片煎八分空心溫服

局方 枳殼湯 百

治大便腸風下血

枳殼 二兩 炒黃

大黃 蓮 一兩 同槐花四兩 炒焦去花不用

水二鐘濃煎空心溫服

枳殼散 百一 治便血或婦人經候不調手足煩熱胸膈不利

枳殼 麩炒

半夏 麩

赤芍藥

柴胡 各一錢

黃芩 一錢 半

水二鐘薑三片棗一枚煎八分食遠服

濟生小蘗飲子 百二 治下焦結熱澀血崩淋等證

生地 四兩 小蘗根 滑石 蒲黃 炒

藕節 淡竹葉 山梔 炙甘草 各五錢

右改咀每服五六錢水一鐘半煎八分空心溫服

仲景黃蓮湯 百三 治傷寒胸口有熱胃中有邪氣腹中痛欲嘔

吐者

黃蓮 甘草炙 乾薑 桂枝 去皮各三兩

人參 二兩 半夏 半斤 大棗 十二枚

右七味以水一斗煮取六升去滓溫服一升日三服夜二服

黃蓮湯 百四 治便後下血腹不痛各溫毒下血

黃蓮 當歸 各二錢 甘草 五分

水二鐘煎八分食後服

仲景黃芩湯 百五 治太陽與少陽合病自下利

黃芩 三兩 炙甘草 芍藥 各二兩 大棗 十二枚

右四味以水一斗煮取三升去滓溫服一升日再服夜一服

若嘔者加半夏半升生薑三兩

外臺黃芩湯 百六 方在和陣一九八

治乾嘔下利

直指黃芩湯 百七 治心肺蘊熱口瘡咽痛膈悶小便淋濁不利

黃芩 黃連 梔子 生地

麥冬 木通 澤瀉 甘草 各等分

右每服一兩水一鐘半煎八分食前服

黃芪散 百八 治熱痢下赤膿心腹煩熱疼痛

黃芪 當歸 龍骨 各七錢半 生地黃 五錢

黃蓮 去鬚微炒一兩 黃蘗 黃芩 犀角屑

地榆 各生兩

右為細末每服二錢不拘時粥飲調下

河間黃芩芍藥湯 百九 治瀉痢腹痛或身熱熾後重脉洪數膿

血稠粘及陰虛內熱衄吐血者○此方即前仲景之黃芩湯但分兩不同

黃芩 白芍 各二錢 甘草 一錢

水一鐘半煎八分溫服○腹痛甚者加桂二分膿血甚者加

當歸黃蓮各一錢○一方芍藥用六錢

局方木香化滯湯 百十 治痢下赤白腹中疴痛裏急後重多熱

多滯者宜之

木香 甘草 各七分 人參 陳皮

黃蓮

澤瀉

檳榔

各一錢

白朮

枳殼 麩炒

厚樸

白芍藥

茯苓 各錢半

水二鐘煎八分食前服

清熱滲濕湯 百十一

治濕熱浮腫肢節疼痛小水不利

黃蘗 鹽水炒

黃蓮

茯苓

澤瀉 各一錢

蒼朮

白朮

甘草

各錢半 五分

水二鐘煎八分服○如單用滲濕去黃蓮黃蘗加樅皮乾薑

河間益九散 百十二

一名六一散○一名天水散○治中暑身

熱煩渴小水不利河間云治痢之聖藥分利陰陽去濕熱其

功大矣

粉甘草

桂府滑石

飛六兩

右為極細末每服二三錢新汲水調下○一方加辰砂二錢

各硃砂益九散○一方加牛黃治煩而不得眠

局方香連丸 百十三

治熱瀉痢疾赤白膿血濕熱侵脾裏急後

重

黃蓮

淨十兩

切如豆粒用淨吳茱萸五兩二味用熱水拌和

入磁罐內置熱湯中頓一日同炒至黃蓮紫黃色為度

去茱萸不用

木香 每製淨黃蓮一兩每木香二錢半

右為末醋糊丸桐子大每服七十九食前空心米飲下

方六神丸 百十四 治食積兼熱赤白痢疾或腹痛不食或久

而不止

神麩 為糊

麥芽 炒

茯苓

枳殼

麩炒

木香 煨

黃蓮 炒焦黑 等分

右為末以神麩糊為丸桐子大每服五七十九白湯送下

八正散 百十五

治心經蘊熱臟腑秘結小便赤澀淋閉不通

及血淋等證

車前子

木通

滑石

飛

山梔

大黃 煨

瞿麥

篇蓄

甘草

各等分

右咬咀每服五錢水二鐘燈心二十莖煎七分食前溫服

七正散 百十六

車前子

赤茯苓

山梔仁

木通

龍膽草

篇蓄

生甘草稍

加燈心竹葉水煎服

五淋散 百十七

治膀胱有熱水道不通淋瀝不止臍腹急痛

或尿如豆汁或如砂石管淋尿血並皆治之

茵陳

淡竹葉各一錢木通

滑石

甘草各錢半

梔子炒

赤芍藥

赤茯苓各二錢

水二鐘煎一鐘食前服

局方薑苓湯百十八

治夏月暑瀉欲成痢者

香薷

黃蓮薑汁炒

厚樸薑炒

扁豆炒

猪苓

澤瀉

白朮

茯苓等分

右咀每服五六錢水鐘半薑三片煎七分服

局方太平丸百十九

治泄瀉

黃蓮

同吳茱萸炒去茱萸不用

芍藥

炒成

右為末老米糊丸服○同乾薑炒加阿膠一半為丸名駐齒丸

本火府丹百二十

治心經積熱小便淋澀黃疸煩渴

生地黃

二兩杵膏木通

黃芩

炒各一兩

右以二味為末加蜜丸桐子大每服五七十丸木通湯下○

許學士云一卒病渴日飲水斗許不食者三月心中煩悶時

在十月余謂心經有伏熱與火府丹數服越二日來謝云當

日三服渴止又三服飲食如故此本治淋用以治渴可謂通

變也

真珠粉丸 一二二

治精滑白濁

黃柏

真蛤粉 各一

真珠

三兩一方代以青黛亦效

右為末水糊丸桐子大每服百丸空心溫酒下或加樗皮滑

石青黛俱好

同方導赤散 一二三

治心火及小腸熱證小便赤澀而渴

生地

木通

生甘草

各等分

入竹葉二十片水煎服一方加入參麥門冬

赤茯苓湯 一二三

治膀胱實熱小便不通口乾咽腫不利

赤茯苓

猪苓

木通

車前子

瞿麥

葵子

黃芩

滑石

枳實

甘草 各等分

水一鍾半薑三片煎八分食前服

濟生葵子湯 一二四

治膀胱實熱腹脹小便不通口舌乾燥

葵子 微炒

猪苓

赤茯苓

枳實

瞿麥

木通

黃芩

車前子

滑石 各一錢

甘草 五分

右用水一鍾半薑煎空心服

牛膝湯 一二五

治砂石淋澀

牛膝 一合
麝香 少許

右用水煎牛膝去滓入麝香服之。○鄞縣耿夢得之內患淋下砂石剝剝有聲甚為苦楚一服而愈。

二味牛膝湯 一二六 治小便不通莖中痛及婦人血熱內結

腹堅痛

牛膝 根葉一握生用 當歸 一兩
黃芩 去黑心 半兩

右咀每服一兩許水一鍾半煎七分食遠服日三

海金沙散 一七 治膏淋

海金沙 滑石 各一兩
甘草 二錢半

右為細末每服二錢燈草湯空心調下

茵陳湯 一二八 治黃疸發熱大小便澀

茵陳 梔子仁 各二錢
赤茯苓 葶藶 各錢半

枳實 甘草 各五分

水一鍾半薑三片煎八分食前服

活人茯苓滲濕湯 一二九 治黃疸濕熱嘔吐而渴身目俱黃小便不利食少而熱

白茯苓 澤瀉

茵陳 青皮

陳皮 防己 各五分
梔子 黃芩 各八分

黃蓮

枳實

各七分

蒼朮

白朮

各一錢

右水煎服

東垣

當歸拈痛湯

百三十一

治濕熱為病肢節煩疼肩背沉重胸

膈不利手足遍身流注疼痛熱腫等證

羌活

黃芩

炙甘草

茵陳

各五錢

人參

苦參

升麻

乾葛

蒼朮

各二錢

防風

歸身

白朮

知母

猪苓

澤瀉

各一錢半

右咬咀每服一兩水煎空心服臨睡再服

活人

犀角散

一三二

治脚氣衝心煩喘悶亂頭痛口乾坐臥不

得

犀角屑

枳殼

麩炒

沉香

各七錢半

檳榔

紫蘇

莖葉

麥門冬

赤茯苓

各一兩

木香

防風

各半兩

石膏

生用研二兩

右咬咀每服八錢以水一鐘半煎八分去粗入淡竹瀝一合

更煎一二沸不拘時溫服

東垣

清燥湯

一三二

治六七月間濕熱成痿肺金受邪腰以下

痿軟癱換不能動行走不正兩足欹側

寒陣

三

柴胡 酒黃柏 黃蓮 麥冬 各三

生地 人參 各一錢 炙甘草 猪苓

白茯苓 橘紅 神麴 澤瀉 各五分

白朮 蒼朮 各八分 黃芪 錢半 升麻 三分

五味子 九粒

右咬咀每服半兩水二盞煎一盞稍熱空心服

蒼朮湯 一三三 治濕熱腰腿疼痛

蒼朮 三錢 柴胡 二錢 黃柏 防風 各一錢

右用水煎空心服

丹溪二妙散 一三四 治濕熱在經筋骨疼痛如有氣加氣藥如

血虛加補血藥如痛甚加薑汁熱辣服之

黃柏 炒 蒼朮 去支炒 制等分

右為末搗生薑煎沸湯調服○此二物皆有雄壯之氣如氣

實者加少酒佐之○此即集要二神湯各三錢半用水煎空

心服

一方以二妙為君加甘草 羌活 各二錢 陳皮 芍藥 各一錢

威靈仙 酒炒 五分 為末服之佳

加味二妙丸 二三五 治兩足濕痺疼痛如火燎從兩足跗熱

起漸至腰膝或麻痺痿軟皆是濕熱為病此方主之

歸尾 川牛膝 川草薺 防已

龜板 酥炙各一兩 蒼朮 米泔浸炒四兩 黃柏 二兩酒浸晒乾

酒煮麵糊為丸桐子大每服百丸空心薑鹽湯送下

丹溪 蒼朮黃柏丸 一三六 治濕熱食積痰飲流注脚氣

蒼朮 鹽水炒 黃柏 鹽水炒 防已 南星

川芎 白芷 犀角 檳榔 等分

右為末酒糊丸服○血虛加牛膝龜板○肥人加痰藥

正傳 虎脛骨丸 一三七 治兩足痿弱軟痛或如火焙從足踝下

上衝腿膝等證因熱所成者經驗

牛膝 歸尾 各二兩 龜板 酥炙 虎脛骨 酥炙

防已 各一兩 蒼朮 米泔浸一宿 黃柏 酒浸日晒各四兩

右為細末麵糊為丸桐子大每服百餘丸空心薑鹽湯送下

○一方加炮附子五錢

河間 苦參丸 一三八 治血虛風熱著痺

苦參 二兩取粉 丹參 炙 沙參 人參

防風 去叉 五加皮 蒺藜 炒去刺 烏蛇 酒浸取肉

蔓荊子 龜板 酥炙 虎骨 酥炙 玄參 各一兩

右為細末用不蛀皂角一斤剉碎以水三升接取汁於無油鐵器熱成膏加煉蜜四兩和九桐子大每服十五丸至二十丸食後良久夜臥共三服荆芥薄荷酒下

陳氏苦參丸 一三九 方在外科八八

治遍身搔痒癬疥瘡瘍

錢氏苦參丸 一四一 方在痘疹九九

治痘後潰爛瘡毒疥癩

硃砂涼膈丸 一四一 治上焦虛熱肺腕咽膈有氣如烟搶上

黃連 山梔 各一兩 人參 茯苓 各半兩

硃砂 三錢 另研 冰片 五分 另研

右為細末煉蜜為丸梧子大硃砂為衣熟水送下五七丸日進三服食後

東垣硃砂安神丸 一四二 一名黃蓮安神丸 治心神煩亂發

熱怔忡不寐或寐中驚悸頭運等證

生地 硃砂 另飛 當歸 各一錢 為衣 甘草 五分

黃蓮 一錢 半

湯浸蒸餅為丸黍米大每服十五丸或二十九丸津液嚥之或食後用溫水涼水送下亦可

錢氏安神丸 一四三

治熱渴心悶脉實頰赤口燥

麥冬

馬牙硝

白茯苓

寒水石

山藥

甘草

各五錢

硃砂

一兩

龍腦

一字

右為末煉蜜丸茨實大每服一丸沙糖水化下

秘安神丸 一四四

方在小兒七一

治心虛驚悸

十味安神丸 一四五

方在小兒七三

治虛驚

七味安神丸 一四六

方在小兒七二

治心熱多驚

集驗龍腦安神丸 一四七

作無時但服此藥無不痊愈

治男婦小兒五積癩瘡不論遠近發

龍腦

研

麝香

研

牛黃

研各三錢

犀角屑

人參

茯神

麥冬

硃砂

飛各二兩

桑白皮

炒

地骨皮

甘草

炙各一兩

馬牙硝

二錢

金箔

三十片

為細末煉蜜丸彈子大金箔為衣寒用熱水熱用涼水不拘時化下一丸小兒半丸如病二三年者日進三服若男婦虛

勞喘嗽發熱者用新汲水化下其喘滿痰嗽立止

萬龍腦安神丸 一四八 方在小兒七七

治驚痰及痘中昏悶譫妄

抑青丸 一四九 治肝火

黃蓮 薑汁炒

右單用一味為末，粥丸溫水下

錢氏抑青丸 百五十 方在小兒九八

治肝熱急驚搐搦

瀉青丸 一五一 治肝膽火並小兒急驚發搐眼赤睛疼

龍膽草 當歸 川芎 防風

羌活 山梔 大黃 等分

煉蜜為丸，桐子大，每服五十丸

瀉金丸 一五二 治肺火

用黃芩為末，滴水丸，白湯下

丹溪茱連丸 一五三 治濕熱吐酸

黃連 陳壁土 黃芩 制同 陳皮 蒼朮 米泔浸

吳茱萸 煎少時 浸半日 晒乾各一兩

或加桔梗茯苓各一兩

右為末神麩糊丸菜豆大每服二三十丸食後津液送下

左金丸 一五四 治肝火脇肋刺痛或發寒熱或頭目作痛淋

秘泄瀉一切肝火等證

黃連 六兩 吳茱萸 一兩湯泡片 時焙乾用

右為末粥丸梧子大白木陳皮煎湯下三四五十丸

大補丸 一五五 治陰火

黃柏 鹽酒炒 褐色

米粥丸血虛四物湯送下氣虛四君子湯送下

大造丸 一五六 此方治陰虛血熱能使耳目聰明鬚髮烏黑

有奪造化之功故名大造亦治心風失志虛勞水虧等證

紫河車 頭生壯盛者一具以米泔洗淨少加酒蒸極爛搗膏以山藥末收烘乾用或洗淨即以新瓦上焙乾

用 敗龜板 自死者酥炙二兩 黃蘗 鹽酒炒 兩半 杜仲 酥炙 兩半 牛膝 酒洗一兩 二錢

天門冬 各一兩 麥門冬 二錢 熟地 二兩半用砂仁末六錢 茯苓 二兩一塊同稀絹

包入好酒煮七次去茯苓不用 夏加五味子七錢

右除熟地黃另杵外共為末用酒煮米糊同熟地膏搗丸桐

子大或蜜丸亦可每服八九十丸空心臨臥鹽湯薑湯任下

冬月酒下○婦人加當歸二兩去龜板○男子遺精白濁婦

人帶下加牡蠣一兩半

丹溪大補陰丸 一五七

降陰火補腎水

黃柏鹽酒炒

知母鹽酒炒

各四兩

熟地酒洗蒸搗爛

龜板

酥炙黃各六兩

右為細末用猪脊髓蒸熟和煉蜜同搗為丸桐子大每服五六十九丸空心薑鹽酒送下

秘傳大補天丸 一五八

治男婦虛損勞傷形體羸乏腰背疼痛

遺精帶濁

紫河車

初胎者一具米泔洗淨入小砂罐內加水一碗煮沸候冷取起放竹籃中四圍用紙糊密烘乾為末

入羣藥和勻

黃檗蜜炒

知母乳炒

龜板

酥炙各三兩

懷熟地

五兩

牛膝

酒洗

肉蓯蓉

酒洗

麥門冬

山藥炒

虎脛骨

酥炙

黃芪

蜜炙

茯神

各兩半

杜仲制

何首烏制

人參

白芍藥

冬月一兩

枸杞各二兩

生地

酒洗沙鍋煮爛搗

天門冬

當歸酒洗

北五味

各一兩

冬加乾薑

半兩炒黑

右為細末用猪脊髓三條蒸熟同煉蜜和搗為丸桐子大每服八十丸空心淡鹽湯送下冬月酒下

大補地黃丸 一五九

治精血枯涸燥熱

黃檗鹽酒炒

熟地

酒蒸各四兩

當歸

酒洗

山藥

炒

枸杞各三兩

知母

鹽酒炒

山茱萸

白芍藥

各二兩

生地 二兩半

肉苁蓉 酒浸 各兩
玄參 各兩半

右為末煉蜜丸桐子大每服七八十九丸空心淡鹽湯送下

丹溪補陰丸 一六十

一名虎潛丸 降陰火滋腎水

黃柏 制

知母 制

熟地

酒洗各三兩

龜板

酥炙四兩

白芍

酒炒

當歸

牛膝

各二兩

虎脛骨

酥炙

瑣陽

酥炙

陳皮

各兩半

右為細末酒煮羯羊肉為丸桐子大冬加乾薑半兩每服五

六十丸薑鹽湯或酒下

節齋補陰丸 一六一

黃柏

知母

俱酒炒

龜板

各三兩

熟地

五兩

瑣陽

枸杞

天冬

白芍

各二兩

五味 一兩

乾薑

五錢

煉蜜入猪脊髓三條搗丸桐子大每服八九十九丸空心淡鹽

湯送下冬月用酒

三補丸 一六二

治三焦火熱

黃蓮

黃芩

黃柏

滴水丸桐子大白湯送下或淡鹽湯亦可

東垣滋腎丸 一六三

降腎火桂與火邪同體此寒因熱用法也

凡不渴者病在下焦宜用之。○良方云或腎虛足熱小便不利肚腹腫脹皮膚脹裂眼睛突出此神劑也。

黃柏 二兩酒拌陰乾 知母 同上 肉桂 二錢

為細末熟水為丸百沸湯空心送下二百丸。

加味虎潛丸 一六四 治諸虛不足腰腿疼痛行步無力壯元

氣滋腎水

熟地黃 八兩 人參 黃芪 灸 當歸

杜仲 酥灸 牛膝 酒蒸 瑣陽 酒洗 龜板 酥灸

兔絲子 制 茯苓 破故紙 炒 黃蘗 蜜水炒

知母 酒炒 虎骨 酥灸各一兩 山藥 炒 枸杞子 各二兩

右煉蜜加猪脊髓酒蒸熟同搗丸桐子大每服百餘丸空心淡鹽湯或酒任下。

加味坎離丸 一六五 生精養血升水降火。

川黃柏 八兩 分四分用清酒鹽水人乳蜜水各浸二兩晒

乾炒褐色。

熟地 八兩 用茯苓四兩打碎砂仁二兩三味同入絹袋中

好酒二瓶煮乾去茯苓砂仁止用地黃。

知母 八兩鹽酒浸炒 白芍 酒浸一日晒乾 當歸 川芎 各四兩

右為不同鋪筐中日晒夜露三日為度煉蜜丸桐子大每服八九十九丸空心鹽湯冬月溫酒任下

三才封髓丹 一六六 降心火益腎水

天門冬 熟地黃 人參 各一兩 黃檗 炒褐色 三兩

砂仁 炒半兩 甘草 炙七錢

右為末麵糊丸桐子大每服五七十丸以肉苁蓉五錢切片

酒浸一宿次日煎三四沸空心送下

當歸龍薈丸 一六七 治肝經實火大便秘結小便澀滯或胸

膈作痛陰囊腫脹凡肝經實火皆宜用之及一切躁擾狂越

驚悸不寧等證

當歸 龍膽草 梔子仁 黃連

黃柏 黃芩 各一兩 蘆薈 大黃

青黛 各五錢 木香 二錢半 麝香 五分另研

右為末神麩糊丸桐子大每服二三十丸薑湯白湯任下

長方 蘆薈丸 一六八 治疔癖肌肉消瘦發熱潮熱飲食少思口

乾作渴或肝火食積口鼻生瘡牙齦腫爛等證

蘆薈 胡黃連 黃連 炒焦 木香

白蘼蕪 炒 青皮 各五錢 當歸 茯苓

陳皮 各兩 甘草 炒七錢

右為末米糊丸桐子大每服七八十九米湯下

人蘆薈丸 一六九 方在小兒百十五

治小兒肝脾疳積發熱

加減蘆薈丸 百七十 方在小兒百七十六

治證同前

三聖丸 一七一 治嘈雜神效

白朮 四兩 橘紅 炒一兩 黃蓮 炒五錢

右為細末神麩糊丸綠豆大每服五六十九薑湯下

木連丸 一七二 治嘈雜

白朮 四兩 黃連 一兩薑汁炒

右為末神麩糊丸黍米大每服百餘丸薑湯下

軟石膏丸 一七三 治嘈雜噎氣

軟石膏 煨 半夏 制 南星 制 香附子 炒

梔子仁 炒各等分

右為細末米粥丸桐子大每服五七十九薑湯下

地榆丸 一七四 治血痢下血極效

地榆 微炒 當歸 微炒 阿膠 糯米炒 黃蓮 去鬚

訶子 取肉炒 木香 晒乾 烏梅肉 各半兩

右為細末煉蜜丸梧子大每服三五十九空心或食前陳米飲吞下

槐角丸 一七五 治五種腸風下血並痔漏脫肛

槐角 炒 黃芩 地榆 當歸

防風 枳殼 麩炒

右等分為細末米酒麵糊丸桐子大每服五六十丸空心清米飲送下極效○一方有烏梅肉

藥御 阿膠丸 一七六 治腸風下血

黃蓮 阿膠 炒珠 赤茯苓 等分

右將蓮蓂為末阿膠用酒熬化和末參手為丸食前米湯送三五十九或其為末糊丸亦可

聚金丸 一七七 治酒毒大腸畜熱下血

黃芩 防風 各二兩 黃蓮 四兩半生半酒炒

右為末醋糊丸梧子大每服七八十丸空心米飲下
臟連丸 一七八 治遠年近日腸風臟毒下血

大鷹爪黃蓮 半斤 槐米 二兩 枳殼 一兩

防風 粉草 槐角 香附

牙皂

木香 各五錢

右用陳倉米三合同香附一處為末外藥共為細末用猪大臟約長二尺洗淨裝入米附縛定量用水二大碗沙鍋炭火煮乾即添水漫火煮爛如泥取起和藥搗勻丸桐子大每空心米飲下七八十九忌麵蒜生冷煎灸之物一料病痊

局方 酒蒸黃蓮丸 一七九

治一切熱瀉便血並伏暑發熱解酒毒

黃蓮 半斤用淨酒二升浸以丸器置甌上蒸至爛取出

晒乾

右為末滴水丸每服五十九食前溫水下

黃蓮丸 百八十

治腸紅便血痔瘡腫痛

黃蓮

吳茱萸 等分

右二味用滾湯同漉過罨一二日同炒揀開各另為末米糊

丸桐子大每服二三錢糞前紅服茱萸丸糞後紅服黃蓮丸

俱酒下○此與左金丸稍同

猪臟丸 一八一

方在外科二二二

治大便痔漏下血

保和丸 一八二

方在小兒三五

治飲食酒積停滯

四順清涼飲

一八三

方在攻陣二五

治臟腑血熱煩渴秘結

仲景

白頭翁湯

一八四

治熱痢下重者

白頭翁

二兩

黃蓮

黃檗

秦皮

各三兩

右四味以水七升煮取二升去滓溫服一升不愈再服一升

景岳全書五十七卷終

景岳全書卷之五十八宙集

古方八陣

會稽 張介賓 會卿著

會稽 魯 超 謙菴訂

熱陣

仲景

理中丸

即名人參理中湯○治太陰即病自利不渴陰

寒腹痛短氣欬嗽霍亂嘔吐飲食難化胸膈噎塞或瘧疾瘴

氣瘟疫中氣虛損久不能愈或中虛生痰等症

人參

白朮

炒

乾薑

炒

炙甘草

各三兩

右四味搗篩爲末，蜜丸雞黃大，以沸湯數合和一丸，研碎溫服之。日三四夜二服，腹中未熱，益至三四丸。然不及湯湯法，以四物依數切，用水八升，煮取三升，去渣溫服一升，日三服。○原論加減法，詳在霍亂門。述古條中，賓按右方兩數，乃漢時權度。今後世所用，惟每味數錢，而甘草半之，酌宜可也。

附子理中湯 二

治證如前，而中氣虛寒，腹痛甚者，又或入房腹痛，手足厥冷，或食冷犯寒等症。

卽前方加制附子一二三錢，隨宜用之。其有寒甚勢急者，不妨生用，或炮用亦可。○外科附子理中湯，有芍藥茯苓。

無甘草乾薑

附子理中丸 三

治陰寒腎氣動者

卽前附子理中湯，去白朮，煉蜜丸服。

理中加丁香湯 四

治中脘停寒，喜辛物，人口卽吐卽噦。

卽前理中湯，加丁香十粒，甚或兼痛者，可加至一二錢。○若以理中加木香，卽名木香理中湯。

加味理中湯 五

治脾肺俱虛，欬嗽不已。

人參

白朮

茯苓

炙甘草

陳皮

半夏

乾薑

細辛

北五味 等分

右咀每服三錢薑三片棗一枚煎七分食遠服

局方胡椒理中湯六

治脾胃虛寒氣不宣通欬喘逆氣虛痞噎

悶脇腹滿痛短氣不能飲食嘔吐痰水不止

白朮 五兩

乾薑

炙甘草

胡椒

良薑

葶撥

陳皮

細辛

欬冬花

去梗各四兩

右咬咀每服五七錢水一鍾半煎七分食遠溫服○或煉蜜

丸桐子大每服三五十九白湯溫酒米飲任下無時每日二

服

選方八味理中丸七

治脾胃虛寒飲食不化胸膈痞悶或嘔吐

泄瀉

人參

乾薑

炒各一兩

白朮

四兩炒

白茯苓

麥芽

炒二兩

甘草

炙

神麴

炒

砂仁

炒各一兩半

右為細末煉蜜為丸每丸重一錢空心服一九薑湯嚼下

枳實理中丸八

治傷寒寒實結胸

人參

白朮

茯苓

甘草

乾薑 各二兩

枳實

十六片

右為細末煉蜜丸雞子黃大每服一九熱湯化下連進二三服

理中化痰丸九 治脾胃虛寒痰涎內停嘔吐少食或大便不

實飲食難化欬唾痰涎此中氣虛弱不能統涎歸源也

人參 白朮炒 乾薑炮 茯苓各二兩

炙甘草一兩半夏制三兩

薑湯煮麩糊丸桐子大每服四五十九白湯送下

治中湯十 治脾胃不和嘔逆霍亂中滿虛痞或泄瀉○此即

理中湯加青皮陳皮也

人參 白朮 乾薑炮 炙甘草

青皮 陳皮等分

右每服五錢水煎服如嘔加半夏

丁香温中湯十一 治同前

即前治中湯加丁香去半夏

良方温胃湯十二 治憂思結聚脾肺氣凝元陽受損大腸與胃

氣不平脹滿上衝飲食不下脉虛而緊滿

附子制 厚朴 當歸 白芍藥

人參 甘草炙 陳皮各一錢 乾薑炮一錢

川椒 去合口炒出汗三分

水一鍾半薑三片煎一鍾食遠服

東垣溫胃湯 十三 治服寒藥多致脾胃虛弱胃脘痛

白豆蔻 人參 澤瀉 各三分 益智

砂仁 厚朴 甘草 乾薑

薑黃 各四分 黃芪 陳皮 各七分

右為細末每服三錢水一盞煎至半盞食前溫服

仲景四逆湯 十四 又名通脈四逆湯 治傷寒陰症自利裏寒

外熱脈沈身痛而厥

甘草 炙二兩 乾薑 炮三兩 附子 一枚破八片生用

右咬咀以水三升煮取一升二合分二次溫服其脈即出者

愈○面色赤者加葱九莖○腹中痛者去葱加芍藥二兩○

嘔者加生薑二兩○咽痛者加桔梗一兩○利止脈不出者

加人參一兩

仲景四逆加人參湯 十五 治傷寒惡寒脈微而後利

即於前方內加人參一兩

仲景四逆加豬膽汁湯 十六 治傷寒吐下後汗出而厥四肢拘

急脈微欲絕者

即於四逆湯內加入豬膽汁半合

仲景茯苓四逆湯 十七 治傷寒汗下後病仍不解煩躁者

一茯苓 六兩 人參 一兩 甘草 炙二兩 乾薑 一兩半

附子 一枚生用去皮切八片

右五味以水五升煮取三升去渣濕服七合日三服

茱萸四逆湯 十八 治厥陰中寒小腹痛甚

吳茱萸 湯泡 附子 炮 乾薑 各二錢 炙甘草 錢半

水一鍾半煎七分熱服

韓氏茵陳四逆湯 十九 治發黃脉沈細遲肢體逆冷腰已上自

汗

茵陳 二兩 炙甘草 一兩 乾薑 炮兩半 附子 一個炮 作八片

右分四貼水煎服

仲景當歸四逆湯 二十 治傷寒手足厥寒脉細欲絕者或下利

脉大腸鳴者虛也及其人內有久虛者宜當歸四逆加吳茱

萸生薑湯主之

當歸 桂枝 芍藥 細辛 各三兩

甘草 通草 各二兩 大棗 二十五枚擘

右七味以水八升煮取三升去滓溫服一升日三服

四逆散 二一 方在散陣二八

治陽邪亢熱血脈不通四肢厥逆

仲景 附子湯 二二 治少陰病得之一二日口中和其背惡寒者

當灸之附子湯主之并治少陰病身體痛手足寒骨節痛脈

沉者

附子 二枚去皮 破八片 人參 二兩 白朮 四兩 芍藥

茯苓 各三兩

右五味以水八升煮取三升去渣溫服一升日三服

三因 附子湯 二三 治風寒濕痺骨節疼痛皮膚不仁肌肉重著

四肢緩縱

附子 生 白芍藥 桂心 甘草

白茯苓 人參 乾薑 各三兩 白朮 一兩

右咬咀每服四錢水煎服

生附湯 二四 治寒濕腰痛

附子 生用 白朮 茯苓 牛膝

厚朴 乾薑 炙甘草 各一錢 蒼朮

杜仲 薑炒各二錢

水二鍾生薑三片紅棗二枚煎八分食前服

參附湯 二五

方在補陣三八

治元陽不足喘急呃逆嘔惡厥冷等證

仲景 朮附湯 二六

方在補陣四二

治中寒中氣不足逆冷痰盛口噤等證

芪附湯 二七

方在補陣四四

治氣虛陽弱虛汗倦怠

濟生 朮附湯 二八

方在補陣四三

治寒濕腰冷重痛小便自利

金匱 桂枝附子湯 二九

治傷寒八九日風濕相搏身體疼煩不

能轉側不嘔不渴脉浮虛而澁者

桂枝

四兩去皮

生薑

三兩切

附子

三枚炮去皮各破八片

甘草

三兩炙

大棗

十二枚擘

右五味以水六升煮取二升去渣分温三服

金匱 白朮附子湯 三十

治傷寒八九日風濕相搏身體疼煩不

能轉側不嘔不渴脉虛浮而澁若大便堅小便自利者去桂

枝此方主之

白朮

二兩

附子

一枚炮去皮

甘草

炙一兩

生薑

一兩半切

大棗

六枚

右五味以水三升煮取一升去滓分溫三服一服覺身痺半日許再服三服都盡其人如冒狀勿怪卽是朮附並走皮中逐水氣未得除故耳

全

甘草附子湯

三一

治風濕相搏骨節疼煩掣痛不得屈伸

近之則痛劇汗出短氣小便不利大便反快惡風不欲去衣或身微腫者此主之

甘草

炙

白朮

各二兩

附子

二枚炮去皮

桂枝

四兩去皮

右四味以水六升煮取三升去渣溫服一升日三服初服得微汗則解能食汗後復煩者服五合恐一升多者服六七合

為妙

良方

薑附湯

三二

治霍亂轉筋手足厥冷或吐逆身冷脉微急

用此藥救之

此卽仲景乾薑附子湯

乾薑

一兩

附子

一個生用

右每服半兩水煎

外科薑附湯有人參白朮

生薑附子湯

三三

治嶺南瘴厲內虛發熱或寒熱往來嘔痰

吐逆頭疼身痛或汗多煩躁引飲或自利小便赤兼主卒中

風

附子

一枚如法製分四服

右每服水一鍾生薑十片煎六分微溫服

乾薑附子湯 三四 治瘴毒陰證發熱或煩躁手足冷鼻尖冷

身體重痛舌上胎生引飲煩渴或自利嘔吐汗出惡風

大附子 一枚製分四服

右每服加炮乾薑二錢同煎溫服熱甚者冷服

寶鑑 羌活附子湯 三五 治呃逆

羌活 附子 乾薑 炮 茴香 各一錢

木香 五分

水鍾半棗二枚煎服 三因方木香作丁香

仲景 芍藥甘草附子湯 三六 治發汗病不解反惡寒者虛故也

芍藥 甘草 炙各三兩 附子 一枚炮去皮切八片

上三味以水五升煮取一升五合去渣分溫服

活人 附子八味湯 三七 治氣虛中寒脚氣等症

附子 炮去皮 人參 乾薑 炮 芍藥

茯苓 甘草 炙 桂心 各二兩 白朮 四兩

右每服五七錢水一鍾半煎七分食前溫服 又方去桂心

加乾熟地黃三兩

六物附子湯 三八 方在外科三五

治四氣流注太陰四肢骨節煩疼浮腫小水不利

小建中湯 三九 方在補陣二二

治虛勞裏急腹痛失精四肢酸疼咽乾口燥等症

局 方 大建中湯 四十 方在補陣二四

治陽虛氣血不足腰脚筋骨疼痛

八味大建中湯 四一 方在補陣二五

治中氣不足厥逆嘔吐攣急陰縮腹痛虛火等證

三建湯 四二 治元陽素虛寒邪外攻手足厥冷六脉沉微大

小便數滑凡中風潮涎不省人事傷寒陰證皆可用之

大附子 大川烏 天雄 各製用三錢

右用水二鍾薑十片煎一鍾不拘時或溫服或冷服○自汗

加桂浮小麥○氣逆加沉香○胃冷加丁香胡椒

仲 景 炙甘草湯 四三 一名復脉湯 治傷寒脉結代心動悸

炙甘草 四兩 生薑 桂枝 去皮各三兩 人參

阿膠 各二兩 生地黃 一斤 麥冬 去心半斤 麻子仁 半斤

大棗 十二枚劈

右九味以清酒七升水八升先煮八味取三升去渣內膠烱

盡溫服一升日三服

仲景桂枝甘草湯 四四

治發汗過多其人又手自冒心心下悸

欲得按者

桂枝 四兩 去皮 甘草 二兩

右二味以水三升煮取一升去渣頓服

陶氏回陽返本湯 四五

治陰盛格陽陰極發躁渴而面赤欲坐

泥水中脉則無力或脉全微欲絕者○服後脉微出者生頓出者死

人參

制附子

炮薑

炙甘草

五味子

麥冬

陳皮

臘茶

面戴陽者下虛也加葱七莖黃連少許用澄清泥漿水一鍾煎之臨服入蜜五匙頓冷服之取汗為效

華陀救脫陽方 四六

治寒中三陰口噤失音四肢強直攣急

疼痛似乎中風及厥逆唇青囊縮無脉或卒倒屍厥脫陽等證

先急用葱白一握微搗碎炒熟用布包熨臍下以二包更替熨之甚者仍灸氣海關元二三十壯脉漸出手足漸溫乃可生也

次用附子一個重一兩者切八片白朮乾薑各五錢木香

二錢同用水二鍾煎一鍾候冷灌服須臾又進一服或煎服回陽等湯

仲景旋復代赭石湯 四七 治傷寒若汗或吐下解後心下痞鞭

噫氣不除者

旋復花

甘草

炙各三兩

人參 二兩

生薑

五兩切

代赭石 一兩

大棗

擘 十二枚

半夏

半升洗

右七味以水一斗煮取六升去滓再煎取三升溫服一升日

三服

仲景厚朴生薑甘草半夏人參湯 四八 治發汗後腹脹滿

厚朴

去皮尖

生薑

切各半斤

半夏

半斤洗

人參

一兩

甘草

二兩炙

右五味以水一斗煮取三升去滓溫服一升日三服

簡易十味劉散 四九

治中風血弱臂痛連及筋骨舉動艱難

附子

三兩炮

當歸

黃芪

炙

白芍藥

各二兩

川芎

防風

白朮

各兩半

肉桂

一兩

熟地

茯苓

各七錢半

右咬咀每服五七錢水鍾半薑八片棗三枚煎八分食後臨

臥服

奇效 芎朮湯 五十

治寒濕頭痛眩暈痛極

川芎

附子

生去皮

白朮

各三錢

桂心

去皮

甘草 各一錢

水一鍾半生薑七片棗二枚煎八分食遠服

正元散 五二

五二

治眩暈陽虛

紅豆

炒

乾薑

炮各三錢

人參

白朮

炙甘草

茯苓

各二兩

附子

炮去皮

川芎

山藥

薑汁炒

烏藥

乾葛

各一兩

川烏

炮去皮

肉桂

各五錢

黃芪

炙兩半

陳皮

二錢

右咬咀每服三錢水一鍾薑三片棗一枚入鹽少許煎服

金匱

生薑半夏湯 五三

五三

治胸中似喘不喘似嘔不嘔似噦不噦

徹心中憤憤然無奈者

半夏

半升

生薑汁

一升

右二味以水三升煮半夏取二升內生薑汁煮取一升半小

冷分四服日三夜一服病止停後服

金匱

半夏乾薑散 五四

五四

治乾嘔或吐逆痰涎

半夏

制

乾薑

炙等分

右二味杵為散取方寸七用漿水一升半煎取七合去粗頓

服之

仲景 甘草乾薑湯 五五

治少陰傷寒小便色白吐逆而渴動氣

因下反劇身雖有熱反倦及肺痿吐涎沫而不欬口不渴小便數遺尿肺中冷上虛不能制下眩暈多涎唾等證○揚仁齋曰治男女諸虛出血胃寒不能引氣歸元無以收約其血者○良方名薑草湯治陰盛于陽寒而嘔血

甘草 炙四兩 乾薑 炮二兩

右咀以水三升煮取一升五合分溫再服○仁齋曰等分每服三錢食前煎服

橘皮乾薑湯 五六 治惡心嘔噦

人參 乾薑 肉桂 各一錢 陳皮

通草 各錢半 甘草 五分

水一鍾半煎八分服

金匱 橘皮湯 五七 亦名生薑橘皮湯○治乾嘔噦若手足厥者

橘皮 四兩 生薑 半斤

右二味以水七升煮取三升溫服一升下咽即愈

萬氏 橘皮湯 五八 方在痘疹九二

行滯消痰止嘔吐

金橘皮竹茹湯 五九 治噦逆

橘皮 二斤 竹茹 二升 生薑 半斤 甘草 五兩

人參 一兩 大棗 三十枚

右六味以水一斗煮取三升溫服一升日三服

小半夏湯 六十 方在和陣八

治嘔吐及心下有飲者

三因丁香散 六一 治呃逆

丁香 柿蒂 各一錢 炙甘草 良薑 各五分

右為末熱湯點服二錢不拘時

丁香煮散 六二 治翻胃嘔逆

丁香 石蓮肉 各十四枚 北棗 七枚切 生薑 七片

黃秫米 半合洗

水一碗半同煮稀粥去藥啜粥

簡易丁香附散 六三 治反胃嘔逆粥食不下

大附子一枚坐於磚石上四面著火漸漸逼熱焯入生薑

汁中浸少時如法再焯約盡薑汁半碗許為度去皮焙乾

為末

丁香 二錢研

二味勻和每服二錢水一鍾粟米同煎七分服

楊氏丁香茯苓湯六四 治脾胃虛寒宿食留滯否塞疼痛氣不

升降以致嘔吐涎沫或嘔酸水不思飲食

半夏制 橘紅 茯苓各一兩 丁香

附子制 肉桂 砂仁各五錢 乾薑炮

木香各一兩

每服四錢水一鍾半薑七片棗一枚煎七分服

良方丁香柿蒂散六五 治吐利或病後胃中虛寒呃逆凡呃逆

至七八聲相連收氣不回者難治

丁香 柿蒂 炙甘草 良薑各五分

人參 半夏 陳皮 茯苓各一錢

生薑二錢

水二鍾煎熱服

寶鑑丁香柿蒂散六六 治呃逆嘔吐

丁香 柿蒂 青皮 陳皮各等分

水一鍾半薑五片煎服

嚴氏柿蒂湯六七 治胸滿呃逆不止

柿蒂 丁香各二錢

加生薑五片水煎服○家珍方有人參一味

百安脾散 六八 治胃氣先逆飲食過傷憂思蓄怨宿食癖積

冷飲寒痰動擾脾胃不能消磨致成斯疾女人由血氣虛損男子皆由下元虛憊有食罷即吐有朝食暮吐暮食朝吐所吐酸黃臭水皆是脾敗惟當速治遲則發煩渴大便秘水飲不得入口而危矣

南木磨汁 橘紅 人參 白朮

草果煨 茯苓 甘草炙 丁香

胡椒各兩半 高良薑一兩用陳壁土三合以水二碗同煮乾切片

右咀每服五錢水一鍾半入鹽少許煎七分食遠溫服或為紙末每服五錢用鹽米湯調下

三補脾湯 六九 治脾胃虛寒泄瀉腹滿氣逆嘔吐飲食不消

人參 白朮 茯苓 厚朴炒

陳皮各一錢 乾薑炒 甘草炙 草果

麥芽炒各八分

水一鍾半煎七分空心溫服

三因養胃湯 七十 治脾胃虛寒嘔逆惡心腹脇脹疼腸鳴泄瀉

藿香 厚朴炒 半夏制 茯苓各錢半

草果

陳皮

人參

白朮

炒各一錢

附子

製八分

甘草

炙五分

水一鍾半薑三片棗二枚煎七分食遠服

胃愛散 七一

治脾胃久虛中焦氣滯或冷涎上壅嘔吐惡心

或胸膈疼痛不思飲食或泄瀉不止

人參 一兩

白朮

茯苓

黃芪

炙各二錢

丁香

甘草

炙各二錢

肉果

三個煨

乾薑

炒半兩

右用白米炒熟四兩同研為末每服二三錢用薑湯或人參

湯調服○或為咬咀每藥五七錢加炒米一兩煎服亦可

東垣藿香安胃散 七

治脾胃虛弱不能進食嘔吐吞酸腹痛

不能腐熟

藿香

人參

陳皮

各一錢

丁香

五分

生薑

十片

水一鍾半煎七分食遠服

良方七味人參丸 七三

治胃冷兼虛嘔逆不食服許則仁半夏

丸不效可服此藥○方見和陣一三二

人參

白朮

炒各五兩

厚朴

薑制

北細辛

各四兩

生薑

橘皮

各三兩

桂心

二兩

右為末煉密丸桐子大。米飲下十九。漸加至二十九。

甘露湯 七四 治反胃嘔吐不止。飲食減少。常服之。快利胸膈。

調養脾胃進飲食。○徐東臯曰。常州一富人。病反胃。往京口。

甘露寺。設水陸。泊舟岸下。夢一僧持湯一碗與之。飲罷。猶記。

其香味。便覺胸膈少快。早入寺。知客供湯。乃是夢中所飲者。

胸膈尤快。遂求其方。合數十服。後疾遂瘥。名曰觀音應夢散。

予得之。常以待賓。易名曰甘露湯。又在臨汀。療一人。愈甚。勿。

忽之。

乾餈糟

頭柞者用六分

生薑

用四分

右和勻搗爛作餅。或焙或晒乾。每十兩入炙甘草二兩。同研為末。每服二錢。用沸湯入鹽少許調。不拘時服。

金匱 茯苓澤瀉湯 七五

治胃反吐而渴欲飲水者。○外臺治消

渴脉絕反胃者。

茯苓 半斤

澤瀉

生薑

各四兩

甘草

桂枝 各二兩

白朮

三兩

右五味以水一斗。煮取三升。內澤瀉。再煮取二升半。溫服八

合日三服。

仲景 茯苓甘草湯 七六

治水飲停蓄心下。甚者作悸。作利。

茯苓

桂枝 各二兩 甘草 炙一兩 生薑 三兩

右四味以水四升煮取二升去滓分溫三服

草薈湯 七七

和中調氣治嘔吐

草薈

藿香 各五分

陳皮

枳殼 各七分

白朮

山藥 各一錢

桂心

丁香 各二分

水一鍾半薑五片棗二枚粳米少許煎七分食前溫服

大順散 七八

治冒暑伏熱引飲過多以致寒濕傷脾陰陽氣

逆霍亂吐瀉藏府不調等症

乾薑

肉桂

杏仁

各四兩

甘草

三兩

右先將甘草微炒黃次入乾薑同炒令薑裂又入杏仁同炒

令杏仁不作聲為度却同肉桂研羅一處每用二三錢以水

一鍾煎數滾溫服○如煩躁者以井花水調服不拘時○此

方加附子即名附子大順散

四順附子湯 七九

治霍亂轉筋吐瀉手足逆冷六脈沉絕氣

少不語身冷汗出

附子 生

白乾薑 炮

人參

甘草

炙各一兩

右咬咀每服四五錢水鍾半煎七分食遠服

醫

附子粳米湯 八十

治霍亂四逆多嘔少吐者

中附子 一枚制半夏 制兩半 乾薑 炒 甘草 炙各一兩

大棗 十枚 粳米 五合

右咬咀每服八錢水鍾半煎米熟去粗服

冷香飲子 八一 治傷暑暈霍亂腹痛煩躁脉沉微或伏

附子 炮 陳皮 各一錢 草果 甘草 炙各錢半

水一鍾半薑十片煎八分并水頓冷服

集 成 冷香湯 八二 治夏秋水濕恣食生冷陰陽相干遂成霍亂

臍腹刺痛脇肋脹滿煩躁引飲無度或感瘴虛熱胸膈不利 或嘔或泄並宜

良薑 白檀香 草荳蔻 麩包煨 附子 制

炙甘草 各一錢 丁香 七粒

水一鍾半煎七分用井水浸冷於嘔吐時服之效或為細末

水調生麩糊丸如芡實大每服一丸新汲水磨下亦可

直 指 木瓜湯 八三 治吐瀉不已轉筋擾亂

木瓜 一兩 茴香 微炒二錢半 吳茱萸 半兩 炙甘草 二錢

右咬咀分二服加薑五片紫蘇十葉空腹急煎服之○良方

有生薑二錢五分無茴香甘草各木瓜煎

三 因 訶子散 八四 治老幼霍亂一服即效

訶子 炮去核

炙甘草

厚朴 薑制

乾薑 炮

神麴 炒

良薑 炒

茯苓

麥芽 炒

陳皮

草豆蔻 等分

右為細末每服二錢當病發不可忍時用水煎入鹽少許服之

霍亂三方 八五

治霍亂瀉利不止轉筋入腹欲死者

用生薑三兩搗爛入酒一升煮三四沸頓服

一方凡霍亂吐瀉不能服藥急用胡椒四十粒以飲吞之

一方凡霍亂吐瀉不止用艾一把水三升煮一升頓服之

千金霍亂方 八六

治霍亂乾嘔不止

以薤葉煎一升服三次立愈

乾霍亂二方 八七

凡欲吐不吐欲下不嘔嘔惡不止者謂之

乾霍亂

一方用鹽一兩生薑半兩搗同炒令色變以水一碗煎熟服

一方用丁香十四粒為末以熱湯一盞調服

目 金匱 苓桂朮甘湯 八八

治心下有痰飲胸脇支滿日眩

茯苓 四兩

桂枝

白朮

各三兩 甘草 二兩

右用水六升煮取三升分三服小便即利

薑朮湯 八九

治心下停飲怔忡

白薑

白朮

白茯苓

半夏麩

各一錢

官桂 三分

甘草 五分

水一鍾半，棗三枚煎服。

韓氏溫中湯 九十

凡病人兩手脈沉遲或緊是皆胃中寒也。

若寸脈短少及力少於關尺者此陰盛陽虛也或胸膈滿悶。

腹中脹滿身體拘急手足厥冷急宜溫之。

丁香

各五分

厚朴

乾薑

陳皮

白朮 各一錢

水鍾半加葱白荊芥穗同煎。

東垣厚朴溫中湯 九一

治脾胃寒滯心腹脹滿或見疼痛。

厚朴 薑炒

橘紅

乾薑

各一錢

茯苓

草豆蔻

木香

甘草

各五分

水煎溫服。

大正氣散 九二

方在和陣二四

治風寒濕氣傷脾心腹脹悶有妨飲食。

強中湯 九三

治生冷寒漿有傷脾胃遂成脹滿有妨飲食甚。

則腹痛。

人參

橘紅

青皮

丁香 各二錢

白朮 錢半

附子

炮去皮

草豆蔻

乾薑

炮各一錢

厚朴 薑汁炒

甘草

炙各五分

水鍾半薑三片紅棗二枚煎七分不拘時服○嘔加半夏○

若傷麪食加萊菔子一錢

三因強中丸 九四

治胃脘虛寒痰飲留滯痞塞不通氣不升降

○局方溫中化痰丸即此方不用半夏

高良薑

乾薑 炮

陳皮

青皮

各二兩

半夏 制二兩

右為細末生薑汁煮糊丸桐子大每服三十九薑湯下

三生飲 九五

此治中風乃行經治痰之劑斬關奪門之將必

用人參驅駕其邪而補助真氣乃可用之否則恐反為害

生南星 一兩

生川烏

去皮

生附子

去皮

木香

二錢

每用一兩加人參一兩同煎服

嚴氏三生丸 九六

治痰厥頭痛

南星

半夏

白附子

等分

右為末薑汁浸蒸餅丸小豆大每服四十丸食後薑湯下

五生丸 九七

治風癩

川烏頭

附子

各生用 南星 生 去皮臍

半夏 生

乾薑 生各半兩

右為細末醋煮大豆汁作麩糊和丸桐子大每服五丸冷酒送下不拘時

局方 溫中化痰丸 九八

治停痰留飲

陳皮

青皮

良薑

乾薑

等分

右為細末醋煮糊丸桐子大每服三十丸空心米飲送下

寶鑑 溫胃化痰丸 九九

治膈內有寒脾胃傷飲胸膈不快痰涎

不已

半夏 制三兩

白朮

陳皮

乾薑

炮各一兩

右為末薑汁糊丸桐子大薑湯下二十九

局方 倍朮丸 百

治五飲吞酸等證○一日留飲停水在心下○

二日澀飲水在兩脇○三日痰飲水在胃中○四日溢飲水

溢在膈○五日流飲水在脇間瀝瀝有聲皆由飲水過多或

飲冷酒所致

白朮 炒二兩

桂心

乾薑

炒各一兩

右為末蜜丸每服二十九溫米飲下加至三五十丸食前服

發明 丁香半夏丸 百一

治心下停飲冷痰

丁香 半夏制各一兩 人參 乾薑炮

細辛 各五錢 檳榔 三錢

右為細末薑汁糊丸桐子大每服三十丸薑湯下

方局 丁香五套丸百二 治胃氣虛弱三焦痞塞不能宣行水穀

故痰飲聚結嘔吐惡心脹滿不食

丁香 木香 青皮 橘紅各半兩

白朮 茯苓 良薑 乾薑各一兩

南星制 半夏制各二兩

右為末湯浸蒸餅丸桐子大每服七十丸溫湯下

三因 復元丹百三 治脾腎虛寒發為水腫四肢虛浮心腹堅

小便不通兩目下腫

附子炮二兩 南木香煨 茴香炒 川椒炒出汗

厚朴制 獨活 白朮炒 橘紅

吳茱萸炒 桂心 各一兩 澤瀉 一兩半 肉豆蔻煨

檳榔 各半兩

右為末糊丸桐子大每服五十丸紫蘇湯不拘時送下

薛氏 加減金匱腎氣丸百四 方在補陣一二六

治脾腎陽虛不能制水為腫為脹

濟生實脾散 百五

治陰水發腫宜先實脾土

附子 制

炮乾薑

厚朴

木香

大腹皮

草果仁

木瓜

各錢半

甘草

炙五分

水二鍾薑五片棗一枚煎七分不拘時服

巖氏實脾散 百六

即前方加白朮茯苓

簡易腹脹方 百七

凡肚腹脹滿不能用藥者以獨蒜煨熟去皮綿裹納下部中冷即易之○又治關格脹滿大小便不通亦用上法氣立通

○又方用生薑如指大一塊煨熟以綿裹乘熱納下部中冷即易之

丁香止痛散 百八

治心痛不可忍

丁香 半兩

良薑 二兩

茴香 炒

甘草 各兩半

右為細末每服二錢不拘時沸湯點服

勝金散 百九

治卒心痛

桂枝

玄胡索 炒

五靈脂

當歸 各半兩

右為末煉蜜丸桐子大每服二十九食前陳皮湯送下

良方鐵刷散 百十

治心脾積痛婦人血氣刺痛酒病惡心腸滑

泄瀉

良薑 炒二兩 茴香 炒七錢 蒼朮 制

甘草 炙各二兩八錢

右為末每服二錢空心薑鹽湯調下

局 蟠葱散 百十一 治男婦脾胃虛冷滯氣不行攻刺心腹痛

連胸脇膀胱小腸寒疝氣疝及婦人血氣刺痛

蒼朮 米泔浸切 炙甘草 各八錢 三稜 煨 蓬朮 煨

茯苓 青皮 各六錢 丁皮 砂仁 去殼

檳榔 各四錢 延胡索 三錢 乾薑 炒 肉桂 各二錢

右每服五錢水一盞入連根葱白一莖煎七分空心熱服或

為末用葱湯調服二三錢

寶 沉香桂附丸 百十二 治中氣虛寒飲食不美陰盛陽虛藏

府積冷心腹疼痛脇肋膨脹腹中雷鳴便利無度面色不澤

手足厥冷及下焦陽虛疝氣疼痛不可忍腰屈不能伸喜熱

熨稍緩等證

附子 炮去皮 川烏 制同 沉香 肉桂

乾薑 炮 良薑 炮 茴香 炒 吳茱萸 炮各一兩

右為末醋煮麪糊丸桐子大每服五七丸食前米飲下日

二服忌生冷

椒附丸 百十三

治小腸虛冷、小腹痛、小便頻而清白

椒紅 炒

附子 炮

龍骨

桑螵蛸 炙

山茱萸

鹿茸

酒蒸焙各等分

右為末，酒糊丸，桐子大，每服六十九丸，空心鹽湯下。

大沉香丸 百十四

治寒氣攻衝、心腹刺痛、亦治卒暴心痛

沉香

乾薑 炮

薑黃

桂心

檀香 各二兩

甘松 洗焙

白芷

天台烏藥

甘草 各半斤 香附 一斤

白豆蔻 三兩

右為末，煉蜜和丸，彈子大，每服一九，細嚼生薑湯下，不拘時。

疑辨

桂附二陳湯 百十五

治寒瘧寒多熱少、腰足厥冷

附子 炮

肉桂

半夏 制

白茯苓

陳皮

炙甘草

右咬咀，每服五六錢，水一鍾半，薑三片，棗一枚煎服。

扶陽助胃湯 百十六

羅謙甫治崔運使長男雲卿，年二十五

體肥養厚，常食涼物，寒藥以致，秋間瘧發，復用水吞砒石等

藥，反增吐瀉，中氣愈虛，延至次年四月，復因勞怒，前證大作

診其脈得茲細而微，手足稍冷，面色青黃，食少痞悶，嘔酸氣

促，汗出，子思內經云：中氣不足，溲便為之變，腸為之苦鳴，下

氣不足則為痿厥心悅又曰陽氣客于腸胃之間則卒然而痛非大熱之劑不能愈遂制此方

附子

炮去皮
臍二錢

乾薑

炮錢半

草豆蔻

益智仁

揀參

甘草

灸

官桂

白芍藥

各一錢

吳茱萸

陳皮

白朮

各五分

右咬咀水二盞棗二枚薑三片煎八分食前溫服三服後大勢去痛減半至秋灸中脘以助胃氣次灸氣海百餘壯生發元氣明年復灸三里二七壯亦助胃氣引氣下行仍慎加調攝一手而平復

五味沉附湯

百十七

治虛寒無陽胃弱乾嘔

熟附子

乾薑

炮各一錢

白朮

炙甘草

各錢半

沉香 五分

水盞半薑五片煎七分食前服

二味沉附湯

百十八

治瘴疾上熱下寒腿足寒厥

沉香 磨汁

附子

制各三錢

水一鍾半生薑三片煎八分去粗入沉香汁放冷服此藥主上熱下寒○全集云沉水真正鐵角沉香其味甘辛者為美辛辣者性熱附子降氣斂陽治陰毒冷瘴只一服而同生起

死真可以奪化功

濟生七康湯 百十九

治瘴瘧或因感冒風寒或是五臟氣虛陰

陽相搏寒多熱少或但寒不熱皆可服

大附子 一枚制分四服○又方用川烏代附子以水調

陳壁土為糊浸泡七次

水二鍾薑七片棗七枚煎一鍾當發日早晨空心溫服仍喫

棗子三五枚忌如常

冷湯 百二十

治瘴毒內寒外熱咽隘間煩躁不解

人參 半兩

大附子 一錢

甘草 炙三寸

淡竹葉 十四片

大棗 五枚

水煎溫服或冷服○甚者宜倍用人參附子不可拘此常數

生薑煎 一二

治瘴如瘧憎寒壯熱

老生薑一大塊打破濕紙包煨熟

右用水一鍾煎半鍾熱服取微汗

芎附散 一二二

治五種痛痺自腿臂間發作不定者

小川芎

附子

炮去皮

黃芪

防風

白朮

當歸

酒洗

熟地

桂心

甘草

柴胡

等分

水二鍾薑三片棗二枚煎八分空心服

局方參附滲濕湯 一二三 治坐臥濕地雨露所襲身重脚弱關節疼痛發熱惡寒小便不利大便溏泄

人參

白朮

茯苓

甘草

附子 炮

乾薑 炮

桂枝

芍藥 等分

水二鍾薑三片棗一枚煎八分不拘時服

七味滲濕湯 一二四

方在和陣一七四

治寒濕所傷身體重著小便赤澀大便溏泄

熨背散 一二五

治胸痺心背疼痛氣悶

烏頭

細辛

附子

羌活

川椒

桂心 各一兩

川芎 一兩二錢

右為末以少醋拌勻或炒熟或用帛裹微火灸令煖以熨背上取瘡乃止忌生冷如常服○按此方當用氣惟諸辛香者佳附子似不必用

溫中法麴丸 一二六

治脾痺發欬嘔汁

法麴 炒

枳實 麴炒

白茯苓

吳茱萸 湯浸炒

桂心

厚朴 薑制

當歸

甘草 炙各三兩

人參

麥冬

乾薑 炮

細辛

附子炮

桔梗炒各一兩

麥芽微炒五合

右為細末煉蜜丸桐子大每服七十九食前熟水下日三

丹龍虎丹一二七

治走注疼痛或麻木不仁或半身疼痛

草烏

蒼朮

白芷

各一兩

右為末水拌發熱過再入乳香二錢當歸牛膝各半兩酒糊

丸彈子大酒化下

活絡丹一二八

方在和陣二七七

治中風手足不用日久不愈經絡中有濕痰死血者

濟生

一至九一二九

治老人虛弱腎氣虛損腰痛不可屈伸

附子炮去皮

桂心

杜仲制

補骨脂

炒各一兩

鹿角霜

鹿角鎊

鹿茸酒炙

青鹽

另研各半兩

右為末酒煮糊丸桐子大每服七十九空心用胡桃肉細嚼

鹽湯或鹽酒送下如畏熱藥者去附子加肉蓯蓉

三因腎著湯百三十

治腎虛身重腰冷如在水中不渴小便自

利食飲如故腰下重痛如帶五子錢

茯苓

白朮

各四兩

炙甘草

乾薑

炮各二兩

右咬咀每服四錢水煎空心冷服○一方用薑四兩水二兩

○良方每服有杏仁五分治妊娠脚腫

韓茵陳附子湯 一三一 治發黃服四逆湯身冷汗不止者

附子 二個各作八片 乾薑 炮二兩半 茵陳 一兩半

右用水煎分作三服

韓氏小茵陳湯 一三二 治發黃脉沉細四肢及遍身冷

附子 一個炮作八片 炙甘草 一兩 茵陳 二兩

右用水二升煮一升分作三服

韓氏茵陳橘皮湯 一三三 治身黃脉沉細數熱而手足寒喘嘔

煩躁不渴者

茵陳 橘皮 生薑 各二兩 白朮 二錢半

半夏 茯苓 各五錢

右用水四升煮取二升放溫分作四服

五鬲散 一三四 方在和陣一五六

治五鬲五噎

十鬲散 一三五 方在和陣一五八

治十般鬲氣

五噎散 一三六 方在和陣一五九

治諸氣結聚胸隔痞悶痰逆惡心飲食不進

良方白朮聖散子 一三七 治一切瀉痢久不瘥并婦人產後痢

疾

白朮

砂仁

當歸

肉苳蓉

乾薑炮

陳皮

炙甘草

石榴皮

訶子

芍藥

炒等分

右咬咀每服五錢水一鍾半入乳香一豆大煎八分食前服

仲景

吳茱萸湯 一三八

嘔而胸滿乾嘔吐涎沫頭痛及食穀欲

嘔者此方主之

吳茱萸 一升 人參 三兩

生薑 六兩

大棗 十枚擘

右四味以水五升煮取三升溫服七合日三服

良方 吳茱萸湯 一三九

治胃暑伏熱腹痛瀉痢或飲食過度霍

亂吐瀉或食冷冒寒或忍饑大怒或因舟車傷動胃氣令人吐瀉並作轉筋逆冷等證遲則不救

吳茱萸

木瓜

食鹽

各半兩

右同炒令焦先用磁瓶盛水三升煮百沸入藥煎至二升已

下傾一盞或冷或熱隨病人之便服之○若卒無前藥止用鹽一撮醋一盞同煎八分溫服或鹽梅鹹酸等物皆可用

吳茱萸散 百四十

治腸痺寒濕內聚腹痛滿氣急大便殮泄

炮乾薑

炙甘草

吳茱萸

肉豆蔻

麩裹煨

砂仁

神曲

炒各一錢

白朮

厚朴

薑制

陳皮

各二錢

一方有良薑

右為末每服二錢空心米飲調下

海藏

吳茱萸丸

一四一

治下痢藏府不調脹滿腹痛水穀不化

怠惰嗜臥時時下痢乃陰濕證也

吳茱萸

兩半湯洗炒

神麴

炒五兩

白朮

炒四兩

肉桂

乾薑

炮各二兩半

川椒

去目炒一兩

右為末糊丸桐子大米飲下三五十九食前服

楊氏

八味湯 一四二

治脾胃虛寒氣滯不行心腹刺痛藏府虛

滑

人參

當歸

炮薑

吳茱萸

湯炮七次

肉桂

丁香

木香

陳皮

各一錢

右咬咀水一鍾半煎七分溫服無時○按此湯味太剛烈當

加炙甘草方妙

仲景

真武湯

一四三

治少陰傷寒腹痛小便不利四肢沉重疼

痛自下利者此為有水氣其人或欬或小便利或下利或嘔

者

茯苓

芍藥

生薑

各三兩

白朮

二兩

附子 一枚炮去皮切八片

右五味以水八升煮取三升去滓溫服七合日三服○若欬者加五味子半升細辛乾薑各一兩○小便利者去茯苓○下利者去芍藥加乾薑二兩○嘔者去附子加生薑足前成半斤

良方九寶丹 一四四

調理脾胃止泄瀉

人參

白朮 炒

茯苓

炙甘草

乾薑 炮

木香

藿香 去土

訶子 去核

肉豆蔻

麩炒各一錢

水一鍾半加薑煎食遠服

濟生四桂散 一四五

治本元氣虛真陽耗散臍腹冷痛泄瀉不止

人參

附子 炮

白茯苓

木香 各一兩

右咬咀每服五七錢水一鍾半煨薑五片鹽少許食遠煎服

○滑泄不止加肉豆蔻訶子各六桂散○活人有白朮無訶

子

仲景白通湯 一四六

治少陰病下利

葱白 四莖

乾薑 一兩

附子 一枚生用去皮破八片

右三味以水三升煮取一升去滓分溫再服

白通加豬膽汁湯即於前方加人尿五合豬膽汁一合治少

陰下利無脈乾嘔而煩者服湯後脈暴出者死微續者生

仲景桃花湯 一四七 治少陰傷寒下利便膿血

赤石脂 一半篩末 乾薑 一兩 粳米 一升

右三味以水七升煮米令熟去滓溫服七合內所篩赤石脂

細末方寸匕攪勻服之日三服若一服愈餘勿服

古潔漿水散 一四八 治暴瀉如水周身汗出一身盡冷脈微而

弱氣少不能語者甚者加吐即為急證

半夏 一兩制 附子 制 炮薑 肉桂

甘草 各五錢 良薑 二錢半

右為末每服三錢漿水一鍾半煎至半鍾熱服

澹寮附子茴香散 一四九 治氣虛積冷心腹絞痛泄瀉食少

人參 白朮 茯苓 炙甘草 各七分

附子 制 炮薑 各五分 茴香 肉豆蔻 各四分

木香 三分 丁香 五粒

水一鍾半煎七分食遠服

本五事 五味子散 百五十 治腎泄在侵晨及五更作瀉飲食不進

不時去後

五味子 炒二兩 吳茱萸 炒一錢

右為末每服二錢白湯調下為丸尤效

本二神丸 一五一 治脾胃虛寒不思飲食泄瀉不止

肉豆蔻 生用二兩 破故紙 炒四兩

右為末用大肥棗四十九枚入生薑片四兩同煮以棗爛為

度去薑取棗肉搗藥為丸桐子大每服五六十丸白湯下

薛氏四神丸 一五二 治脾腎虛寒大便不實飲食不思及泄痢

腹痛等症

破故 炒四兩 肉豆蔻 麩煨 五味子 各二兩 吳茱萸 湯浸炒 一兩

右為末用大棗百枚同薑八兩煮爛取肉搗丸桐子大每服

七八十九丸空心食前白湯下○按此丸不宜用棗但以薑汁

煮麩糊為丸更佳

澹寮四神丸 一五三 治脾腎泄清晨溏瀉

破故 炒四兩 肉豆蔻 二兩 木香 半兩 小茴香 炒一兩

右為末薑煮棗肉為丸桐子大白湯送下

醫林四神丸 一五四 治寒疝脹痛不已

葶澄茄 木香 各半兩 吳茱萸 半酒浸 香附 各一兩

右為末糊丸桐子大每服七八十九空心鹽湯或乳香葱湯任下

集要四神丸 一五五 方在補陣百六十

治小便頻數不禁

五味子丸 一五六 治下元虛寒火不生土以致命門不煖關

門不閉名曰腎泄亦名脾腎泄

人參 白朮炒 北五味子炒 破故炒各三兩

山藥炒 白茯苓各兩半 吳茱萸湯泡炒 川巴戟去心炒

肉果麩煨各一兩 龍骨

右為末酒糊丸桐子大每服百餘丸食前白湯或米湯任下

得效 華撥丸 一五七 治滑泄中寒者宜之

華撥 川薑炮 丁香不見火 附子炮去皮臍

良薑 胡椒 吳茱萸湯浸炒 山茱萸各一兩

草豆蔻去皮各半兩

煮棗肉丸桐子大每服五六十丸食前陳米飲下日三服

局方 肉豆蔻丸 一五八 治脾胃虛弱脹滿水穀不消臟腑滑泄

肉豆蔻麩煨 蒼朮制 乾薑炮 厚朴制

陳皮各四兩 炙甘草 茴香炒 肉桂

川烏炮去皮 訶子肉 各二兩

右用湯浸蒸餅為丸梧子大每服七八十丸食前白滾湯下

陳肉豆蔻丸 一五九 方在小兒五六

治腸滑瀉痢

濟訶梨勒丸 百六寸

治大腸虛冷泄瀉不止腹脇引痛飲食

不化

訶梨勒麩裹 附子炮

肉豆蔻麩裹 木香

吳茱萸湯泡 龍骨生用

白茯苓去皮 葶撥 各等分

右為細末生薑汁煮麩糊為丸梧子大每服七十丸空心米

飲下

良厚朴丸 一六一

治寒中洞泄實滯脹滿等證

厚朴炒 乾薑炒等分

右水拌炒為末水糊丸桐子大每服五十九米飲下

百縮脾丸 一六二

治滑泄不禁

白朮炒 厚朴薑炒 赤石脂 肉豆蔻麩裹

乾薑炒各一兩 附子制 葶撥 神麩炒各五錢

右為細末醋糊丸桐子大每服五七十九空心米飲下

三桂香丸 一六三

治藏府虛寒為風寒所搏冷滑注下不禁

危篤者累效

附子

肉豆蔻

麩煨

白茯苓

各一兩

桂心

乾薑 炒

木香

各半兩

丁香

二錢半

右為末，麩糊丸，桐子大，空心米飲下，五七十丸。

寶鑑 陳麩丸 一六四

磨積止瀉痢，治腹中冷痛。

陳麩 一兩半

人參

白朮 炒

當歸 炒

乾薑

肉桂

甘草 炙

厚朴 制各半兩

右為末，煉蜜丸，桐子大，每服三五十九丸，溫酒或淡醋湯任下。

日二服。

楊氏 草薺分清飲 一六五

治真元不足，下焦虛寒，或服寒涼刮

藥過多，小便白濁，頻數無度，澄如膏糊等證。

益智仁

川草薺

石菖蒲

烏藥

各等分

右咬咀，每服五六錢，水一鍾，入鹽一捻，煎七分，食前溫服。○

一方加茯苓、甘草。

益智湯 一六六

治腎經虧損，遺精白濁，四肢煩倦，時發蒸熱

等證。

鹿茸 酥炙

巴戟肉

枸杞子

熟地黃

菴蓉 酒浸

牛膝 酒浸

附子 炮去皮

桂心 不見火

山茱萸 白芍藥 炙甘草 防風 各等分

右每服三錢水一盞薑五分鹽少許同煎空心服

局安腎丸 一六七 治腎經積冷下元衰憊目暗耳鳴四肢無力夜夢遺精小便頻數臍腹撮痛食少體瘦神困健忘常服

壯元陽益腎水

肉桂 去粗皮川烏 炮去皮臍 白朮 山藥

茯苓 肉蓯蓉 酒浸炙 巴戟 去心 破故 炒

草薺 桃仁 麩炒 石斛 炙 白蒺藜 炒去刺 各三斤

右為末煉蜜丸桐子大每服三五十九溫酒或鹽湯下空心

食前服○疝氣茴香湯下○三因安腎丸無茯苓肉桂二味

小安腎丸 一六八 治腎氣虛乏下元冷憊夜多漩溺體瘦神

倦腰膝沉重泄瀉腸鳴眼目昏暗牙齒疔痛

川棟子 一斤 用香附子川烏各一斤加鹽四兩水四升

同煮候乾去香附川烏不用取川棟切焙

小茴 十一兩 熟地 八兩 川椒 四兩去閉口者微炒出汗

右為末酒糊丸桐子大每服二三十丸空心臨臥鹽湯或酒

任下

西 蜀 石刻安腎丸 一六九 治真氣虛憊脚膝軟弱夜夢遺精小

便滑數

附子制

肉桂

川烏制

川椒去口微炒出汗

兔絲制

巴戟制

破故酒炒

赤石脂煨

遠志制

茯神

茯苓

蒼朮米泔浸炒

山茱萸

杜仲制

石斛

胡蘆巴炒

柏子仁

韭子微炒

小茴酒炒

肉蓯蓉酒浸

川棟子

酒蒸去核各二兩

鹿茸制一兩

青鹽四錢

山藥

四兩作糊

右為末酒煮山藥糊丸桐子大每服七八十九空心鹽湯或

白湯下

元戎小已寒丸百七十

一名強中丸○治脾胃積冷中寒洞泄

倦怠不思飲食進食止自汗厚腸胃○見肘後甚驗

艾葉四兩

蒼朮一兩炒

吳茱萸炒

陳皮炒各二兩

右用米醋二升浸一宿漉出曝乾再於原醋內拌勻炒令紫

色焙乾為末稀糊丸桐子大每服三五十九空心食前溫酒

鹽湯米湯白湯任下

局方大已寒丸一七一

治藏府虛寒心腹疴痛腸鳴泄瀉自利

自汗米穀不化手足厥冷陰盛陽衰等證

葶撥

肉桂 各四兩
乾薑 炮
良薑 各六兩

水煮麩糊為丸，桐子大，每服二三十丸，食前米飲下。

元戎大已寒丸 一七二 治諸沉寒冷秘等證

吳茱萸

官桂

乾薑

良薑

烏頭

附子

右為末，醋糊丸，桐子大，每服三五丸，米飲下，空心食前日

二服無所忌

海藏已寒丸 一七三

此丸不僭上而陽生於下，○治陰證服四逆輩，胸中發躁而渴者，或數日大便秘，小便赤澁，服此丸七

不燥，大小便自利。

肉桂

附子 炮

烏頭 炮

良薑

乾薑

芍藥

茴香

各等分

右為末，米糊丸，桐子大，空心溫水下，五七十九，或八九十九

食前亦可，酒醋糊丸亦可。○海藏云：已寒上五味雖熱，以芍

藥茴香潤劑引而下之，陰得陽而化，故大小便自通，如得春

和之，陽冰自消矣。

十補丸 一七四

治腎藏虛冷，面黑足寒，耳聾膝軟，小便不利

等證

附子 炮

五味 各二兩

山藥

山茱萸

丹皮

桂心

鹿茸 制

茯苓

澤瀉 各一兩

煉蜜九桐子大每服六七十丸鹽湯下

百十補丸 一七五

治小腸寒疝

附子 一大枚 制

胡蘆巴

木香

巴戟天

川棟肉

玄胡索

官桂

葶澄茄

大茴香

破故紙 炒各一兩

右為末酒煮糯米粉糊為丸桐子大硃砂為衣空心酒下五

十丸

集 成 神應散 一七六

治寒疝諸疝心腹痛不可忍散氣開鬱

玄胡索

胡椒

小茴香 等分

右為末每服二錢酒調下

金匱 當歸生薑羊肉湯 一七七

治寒疝腹中痛及脇痛裏急者

當歸 三兩

生薑 五兩

羊肉 一斤

右三味以水八升煮取三升溫服七合日三服若寒多者加

生薑成一斤痛多而嘔者加橘皮二兩白朮一兩如加生薑

亦須加水五升煮取三升二合服之

丹溪腎氣丸 一七八

治諸疝痛

小茴香 炒

破故紙 炒

吳茱萸

鹽炒各五錢

胡蘆巴

七錢半

木香 三錢半

右為末，蘿蔔汁九，桐子大，鹽湯下五七十九。

百選 胡蘆巴丸 一七九

治小腸氣，蟠腸氣，奔豚疝氣，偏墜陰腫。

小腹有形如卵，上下來去痛不可忍，或絞結，遠臍，攻刺嘔吐。

者

胡蘆巴 炒一斤

大巴戟 炒

川烏

炮去皮各六兩

川楝子

炒十八兩

茴香 二十兩

吳茱萸

湯浸七次，炒十兩

右為末，酒糊丸，桐子大，每服十五丸，至二十九丸，空心溫酒下。

東垣丁香棟實丸 百八十

治寒疝，氣血留滯

當歸 酒洗

附子 炮

川棟肉

茴香

各一兩

以上咬咀，用好酒三升，同煮酒盡，焙乾為末，每藥末一兩入。

沒藥

丁香

木香

各五分

全蝎

十三個

玄胡索

五錢

右俱為末，拌勻，酒糊丸，桐子大，每服三五丸，加至百丸，空。

心溫酒送下。

苦棟丸 一八一

治奔豚，小腹痛，神效

川苦棟子

茴香 各二兩

附子

一兩，炮去皮臍

右三味加酒三升同煮盡為度焙乾為末每藥末一兩入

玄胡索 二錢一作五錢 全蝎 十八個炒 丁香 十八粒

俱為末和勻酒糊丸桐子大溫酒下五十九空心服○如痛

甚煎當歸酒下

良方 三層茴香丸 一八二 治腎與膀胱俱虛邪氣搏結不散遂

成寒疝臍腹疼痛陰丸偏大膚囊壅腫有妨行步或瘙癢不

止時出黃水浸成瘡瘍或長怪肉或外腎腫脹冷硬如石日

以漸大須溫導湯氣漸退寒邪補虛消疝煖養腎經凡一應

小腸氣寒疝之疾久新不過三料

第一料

舶上茴香 用鹽半兩同炒焦黃和鹽秤用一兩

逆下共重四兩

川棟子 炮去核 沙參 洗 木香 各一兩

右為細末米糊丸桐子大每服二三十丸空心溫酒或鹽湯

下日三服小病一料可安病深者一料纔盡便可用第二料

第二料

如前方加葶撥 一兩 檳榔 五錢

右六味共重五兩半依前糊丸服如前若未愈再服第二料

第三料

如前方加白茯苓

佳者四兩

附子

炮去皮臍或五錢或一兩

右八味共重十兩九服如前漸加至三四十九凡小腸氣頻發及三十年者或大如栲栳者皆可消散神效

奪命丹 一八三

治遠年近日小腸疝氣偏墜痛臍下脹痛

以致悶亂及外腎腫硬日漸滋長陰間濕癢等證

吳茱萸

揀淨一斤

分四分用酒醋鹽湯童便各浸一宿焙乾

澤瀉

淨片二兩酒浸一宿

右為末酒糊丸桐子大每服五十丸食前鹽酒或鹽湯下

長方奪命丹 一八四

方在婦人六五

治瘀血入胞脹滿難下

萬氏奪命丹 一八五

方在痘疹八二

治痘瘡倒陷鮮毒發痘

外科奪命丹 一八六

方在外科七七

治疔瘡發背惡毒惡證有奪命之功

局方二氣丹 一八七

治虛寒積冷小便不禁老人虛人尺脉微

弱患此者

硫黃

制研細

肉桂

各二錢

乾薑

炮

朱砂

研為衣各二錢

附子 制半兩

右以麩糊丸桐子大每服二十九空心鹽湯下

局方半硫丸 一八八

治高年冷秘虛秘及痲痺冷氣○簡易曰

此潤劑也

半夏 湯泡七次焙乾為末

硫黃 明淨者研極細用柳木槌子殺過

右等分以生薑汁打糊丸桐子大每服五七十九用無灰酒或生薑湯任下

養正丹 一八九

治上盛下虛眩暈此藥升降陰陽及欬逆翻

胃霍亂吐瀉中風涎潮不省人事傷寒陰盛唇青自汗

硫黃 為末

黑錫 鎔淨

水銀

硃砂 研各一兩

右將錫鎔化入硫末漸入漸攪為末再入水銀同搗如硬再於火上微煨又搗勻放冷研極細末糯米糊丸綠豆大每服三十九空心鹽湯下

局方黑錫丹 百九十

治痰氣壅塞上盛下虛腎水虧竭心火炎

盛或一應下虛陰寒真頭痛等證及婦人血海久冷無子赤

白帶下

黑錫 去滓

兩炒末

硫黃 二兩

肉桂 五錢

附子 炮

全書卷五十八

古方熱陣

三

木香

沉香

舶茴香

故紙

陽起石

水飛

葫蘆巴

酒浸炒

肉豆蔻

麩裹

金鈴子

蒸去皮核各一兩

右用新鐵銚將錫花開下硫黃末提起以木杵搗極細放地上退火毒同餘藥研一日至黑光色為度酒糊丸桐子大陰乾入布袋內擦令光瑩每服四十九空心薑鹽湯下女人艾棗湯下

局方紅九子 一九一

和脾胃消宿食去膨脹治大人小兒脾胃

之證極有神效

京三稜

浸軟切片

蓬朮

煨

青皮

橘紅

各五斤

乾薑

炮

胡椒

各三斤

右為末用醋糊丸桐子大礬紅為衣每服三十九食後薑湯送下○小兒臨時加減與服丸治飲食所傷中脘痞滿服之應手而愈○妊婦惡阻嘔吐全不納食百藥不治者惟此最妙可佐一陳湯服之但人疑其墮胎必不信服每易名用之時有神效但恐妊婦偶爾損動未免歸咎此藥是當酌而防之

椒囊法

一九二

辟一切瘡疾時氣風寒時氣

紅川椒

去閉口者

熱陣

以絳紗囊貯椒兩許懸佩身傍近裏衣處則一切邪氣不能
侵犯

椒紅丸 十九三

治元臟傷憊目暗耳聾服此百日覺身輕少

睡足有力是其效也服及三年心智爽悟目明倍常面色紅

悅鬚髮光黑

川椒

去目并合口者炒
出汗擣取紅一斤

生地黄

擣自然汁熬
取濃汁一升

右將生地汁熬至稀稠得所和椒末搗九梧子大每空心溫
酒下三四十九合藥時勿令婦人雞犬見○有詩曰其椒應
五行其仁通六義欲知先有功夜間無夢寐四去煩勞五

臟調元氣明目腰不疼身輕心健記別更有三年精自
秘回老返嬰童康強不思睡九蟲頓消亡三尸自逃避若能
久餌之神仙應可冀



岳全齋卷五十八 終

全齋卷五十八 熱陣

Blank page with faint vertical lines and ghosting of text from the reverse side.

Blank page with significant damage, including a large tear at the top right and a smaller tear at the bottom left.

卷之四

蘇州府志

卷之四

蘇州府志

蘇州府志

蘇州府志

蘇州府志

蘇州府志

蘇州府志

蘇州府志